



思菴文集十一卷

四冊

明吳敏德訥
著

思菴先生文粹序



吳思菴先生集凡十一卷乃其孫淳所編葺者刻
板藏于家廟近年為族子竊取而質於人遂亡逸
過半僅存者亦朽腐不可印搨予乃校正訛謬命
工重刻以成遂序而付其曾孫棠俾藏焉而勿褻
且慢焉庶將來文獻有足徵考先生世為常歎望
族少孤負銳志力學以醫業遊京師楊文貞公過
而薦之初為御史後為都御史竭忠勵節冰蘖自
持扶植紀綱表率庶府真所謂基省老成中外具
瞻者也其平生性度純雅輝光宣著至于後言為

詩抒言為文連篇累牘莫不根據道理關係名教
無一點風雲月露之態讀是集者豈徒可以言語
文字視之哉

本朝文章自方正學而下則先生與薛文清而已
予以晚進來知先生鄉邑景仰盛德恨不俱生托
名集端如蠅附驥

賜同進士出身知直隸蘇州府常熟縣事寧波楊

子器序



思菴文集總目

士礼成

卷第一

詩

卷第二

詩

卷第三

序

卷第四

序

卷第五

記

卷第六

記

卷第七

雜著

卷第八

題跋

卷第九

題跋

卷第十

書

字說

傳

贊

銘

箴

祭文

卷第十一

墓誌銘

墓表

附錄

思菴文集總目




思菴先生文集卷之一

詩

海虞雜詠

常彙為蘇屬邑舊名海虞又曰南沙邑城
在郡治北百里舊志所載古蹟歲遠多就
湮沒予為邑人每于經行瞻眺之際未嘗
不徘徊而增慨也暇日遂采其蹟之存著
者各賦小詩以紀其實云

仲雍古墓 在虞山上



孫監察御史淳編次



虞仲隨伯氏讓國來荆蠻放言求自廢泯迹終忘
還端委治句吳子孫列雄藩配食至德廟壞陵寄
空山樵牧久莫禁爰瞻發長歎

子游遺址

在邑城北子游巷旁有文學橋

句吳首要荒俗鄙人不文叔氏豪傑士北學遊聖
門身通列四科文學冠同倫井湮宅已荒橋巷名
猶存至今里中子千載沾遺芬

齊女孤墳

吳越春秋云女死求葬虞山北望齊國

齊景不自強涕出女於吳迨三千里百兩來姑
蘇死葬虞山顛北望父母都芳魂逐飄風艷骨歸

黃墟空餘一荒坵月夜嗥飢狐

張尉舊祠

在縣學泮橋西

張顛尉南沙清狂隘當世三杯草聖傳筆走龍蛇
勢散髮醉濡墨揮洒誇神異至今娟學子千載仰
雄製儒宮歲祀餘瀝尚沾祀

昭明書臺

在虞山西麓

蕭統梁帝子建國居江東何年築層臺讀書此山
中崇址俯重崑傑構凌危峯歲久人去遠白雲掩
遺封惟存文選編名世流無窮

仙翁丹井

在致道觀按志浚井得石合啓之丹化雙鶴入高湖中

九轉煉神丹，成諒非易玉匣深井中藏之有深
意彼哉何人斯盜啓玄命秘鶴飛尚湖中煜，神
光紅茫，杳難稽漫吟紀奇蹤

虞山秀色

按志虞仲葬是山故曰虞山

山名自虞仲邑城據其東根盤二十里天橋如游
龍南峯瞰重湖，影涵空濛北嶺氣盤礴深窈多
奇蹤何當脫塵羈滅景居山中

鎮城故蹟

在城南十里按志吳鎮鉞鑄劍處旁有莫邪廟

吳人鑄劍處荒城俯湖濱殘鑛百鍊餘城畔今猶
存龜父与漫理騰光動蒼旻劍可敵一人焉能建

奇勳吐哉彼何愚劍成終殺身

七弦琴水

在邑城中

虞城枕山麓七水流如弦昔人肇嘉名千古稱琴
川倚予少年日讀書住川邊每得琴中趣不做絲
桐傳此意常自知嘿，無与言

七星古檜

在致道規梁天監中種

仙壇有古檜森列同七星云是梁時種古怪如龍
形凍蘚護朽骨新枝復青，造化呈奇觀拱衛煩
山靈誰哉若此樹閱世踰千齡

晴巖拂水

在虞山西嶺旁有拂水禪院

懸崖瀉飛瀑奔流不得歸南風忽吹起散若珠簾
飛寒光眩吟眸晴雨沾人衣登臨一延佇爾之暫
忘疲時來坐岩石獨有招提客

破山廢刹

在虞山北嶺按志龍闢衝破崖石
寺有唐常少府題詩

老龍逞餘怒奮觸蒼崖裂崖邊古佛寺年深亦銷
歇陰房燐火青曲竇泉聲咽客遊縱奇討摩挲看
遺碣朗吟常建詩清風滿林樾

寓感

一日復一日一年復一年流光去不返髮白難再
玄所以古哲人朝夕常乾分陰惜如寶三年不
窺園學成蘊諸已左右逢其原踰躓少後安身日
聰明全去日已莫追來日當勉旃勉旃在及時無
為終弃捐

與子言盡孝與臣言盡忠父理苟悖理靡徒施
功不見九經文言簡理自充後來辭勝理篆刻同
雕蟲文起八代衰千載昌黎翁歐陽後挺生亦足
追雄風有志學脩辭珍重慎所宗無徒尚諛巧譁
世期愚蒙

六經皆心學體用同一源明体以適用聖道非空
言漢唐諸大儒訓詁專門傳後來程朱出義理咸

昭宣云何世教微十哲爭使像摘題記程文傳注
俱茫然入場偶中的得魚遂忘釜身世兩無補擾
擾誰開先

宣聖生東魯刪述垂萬世顏曾得親傳思與後相
繼彬：七十子身通全六藝後遭秦火餘六經遂
殘廢兩漢迄晉唐羣儒日脩綴迨宋九儒典理學
始明倫陵夷至胡元華尼混涇渭魯齋起覃懷衛
道功非細至今素王祠濟：列從祀寂寥百年餘
高風竟誰嗣

為雲未騰空安能雨八荒為士未際時豈能勝庸
常所以魯中史削迹園于匡後來邨孟氏毀鬲遭
臧倉聖賢安所遇外物何低昂侃：賈長沙憂世
心惶：上書論治安年少才何長一斥遠憂死千
載徒悲傷

朱梁篡唐室海寓成瓜分中國久無主契丹據燕
雲建隆宋祚開四海咸歸仁宣靖運中否姦諛蔽
重宸女真肆陸梁汴都遂沈淪高宗紹火統避狄
浙江濱淮楚閩蜀廣萬里撫遺民兩都三百年傳
承各九君胡元作三史正統久莫伸重脩在盛時
永：中華尊

陳橋開宋祚周孤弃如遺范相急催班新朝度龍
飛奉朝獨韓通孤忠蓋當時德祐國復失文山出
持危力屈終不降得死歡如歸壯哉昔人語豹死
猶面皮名面天壤間千古何終期

聖王重祭祀報本非求福上下有常制秩：豈容
瀆世降及開元紛紛尚祠祝王璘荆紙錢傳流遂
成俗至今吳楚地淫祠徧御曲仰止狄梁公誰能
繼遐躅

樂生戰國豪隨世成功名作書數百言樓：陳哀
情書言君子交：絕無惡聲聖門羞五霸彼哉何

足稱不以人廢言斯言宜服膺

童蒙貴養生施教須及時晦翁編小學往傳蒐無
遺品式既開陳法戒尤昭垂云何百年後暮解多
差池迹來通義成舛訛更支離興言集衆解四書

有遺規

洪武中黃
常編通義

喪親重哀戚貴富無違禮云何去古遠鄉俗日頽
靡親存違色養親沒逞豪華笙歌雜倚筵迎樞遊
街里主賓互勸酬哀麻空披俸長民莫知教父老
視為喜曰予切感傷因書誡諸子

莊生嗤腐鼠宥碩蠅頭利列子御冷風浮名復何

訂後來狂馳子清談隘人世傲睨輕賤負諂諛媚
權貴是事久矣伏令人叢深懷

讀書有感

偃卒臨淄民獻書拜天闕一年官四遷炙手可
熱寵深不知報騰口肆攻訐貪淫終莫止惡積身
自滅一跌族遂赤萬眾盡欣悅天理不可欺後當
監前轍

齊奴事豪奪不義以至富驕矜傲時流手碎珊瑚
樹錦障五十里金帛等塵土真珠買小妾窮奢樂
歌舞一朝東市誅瀕死悔已暮天道惡滿盈後來

當警悟

杜鵑叫天津南人入東釣京黼召裔尼作備繇斯
人

弥遠擅廢立合入姦人傳火義苟不明何以示懲
勸

潛溪文中雄制行亦端直好奇業異端令人致深
惜

過釣臺

道徑嚴郡過子陵釣臺有感賦此

建武中興羅俊傑故人白首獨辭歸力開名節扶

炎祚千古清風滿釣磯

范侯昔日記祠堂江水雲山共久長
老我來遊嘆獨晚淒涼無地真拚漿

祠殿基荒積歲年釣臺空記客星懸
古今節義人同慕起廢還應望後賢

謝翱父相軍門客善哭當年最可悲
死葬墓邊經百載草荒孤塚有誰知

姑蘇懷古

百雉高城遠碧流中吳風景冠南州
鐘聲遠近前朝寺帆影參差估客舟
遺廟于今祠至德義田無

復繼前脩客遊何事思歸切楓落江空雲止愁

題秋塘羣鷺圖

素高應圓運輕颺洒闌暑悠貴溪流鮮白鷺
羽蒹葭掩沙汀菰蒲被煙渚宿食順其安飛鳴隨
所處豈無凌風翰依羣暫延佇羽儀期共珍脩潔
諒誰侶微茫浣花莊隱約輞川墅靜觀領深意自
得復何語

和張以平韻

身際昇平樂自如石田流水遠茅廬官租輸足無
餘事閒課兒童理故書

和陳大理以道中秋紀行時判吾邑

轉輸兵食值中秋滿目金波夜泛舟對景自嗟空
覓白懷人還憶共登樓連營戍柝嚴傳警隔岸征
夫獨酌牛月轉城西悲角起不勝清怨到船頭

又和呂梁洪

呂梁之水天下險八月秋高勢愈洪逆浪衝舟如
搏戰旁流奔壑似爭雄聲搖坤軸千崖吼怒扼河
源衆水宗堤上征夫久行役臨流無力歎龍鍾

題松林雙雀

連步松林晚更幽清高寧有插梁謀會看奮翼衝

霄起萬里剛風樂遠遊

送龔玄之

天邊歸卧纔三載又捧徵書起海濱藥圃重沾鍾
阜雨杏林還映治城春吟囊客裏添新句薦剡朝
端有故人此去保和承雨露定應超擢侍 楓宸

和韓公望林剛伯遊虞山韻

秋山窮遠眺萬室起炊煙地曠連滄海城荒異昔
年籃輿尋隱逸野服寄林泉愧我材無似棲遲郭

下田

送以平奉召寫誥

江梅舒玉漏春光之子承宣入 帝鄉金匱稽勛
題誥敕黃麻揮墨煥文章銜分內署恩榮渥酒錫
宮壺雨露香從此進身居近密鳳池簪筆侍 君
王

寄以平

故人為客久何日賦歸田此去無千里相違已一
年晨鐘孤夢後夜雨短檠前無限相思意音書難
盡傳

遊虞山

丙戌三月七日携友遊虞山凌絕頂入拂

水禪院忽風雨驟至因留宿山中偶誦唐
常少府遊破山寺詩遂借韻紀一時之趣
云

乘閒遊寶地一徑入松林古殿雲煙滿陰廊歲月
深聒床聽夜雨高論悅禪心寐：天將曙鐘聲雜
梵音

雨晴回至破山寺故址再韻以賦

禪宮銷歇久無復觀叢林流水千年碧殘山萬疊
深哦詩尋舊跡弔古動愁心常建今何在誰能嗣
雅音

和以穎教諭賦明德

皎：靈臺方寸地本明之俾得于天箇中若也無
纖翳四顧八荒皆洞狀

予家虞山下有田邊傍湖水丙戌芒種前一日
率家力耕作日覩飢民艱苦因成小詩直述其狀
庶觀風者有聞而加惻也狀言辭深愧不文噫予言
豈得而文哉

澤國三年被水荒
望中民物甚堪傷
草房破漏難禁雨
菜色萎黃久絕糧
旋取青艾煨土竈
共分水荇塞飢腸
繡衣使者當垂惻
早俸皇心為設倉

六月聞飢民闕糧喜而次韻

南國農民困水荒
九重憂惻視如傷
省耕遣使躬巡野
計口開倉盡給糧
從此田疇能盡力
于今老穉獲充陽
願言歲晚成豐稔
共運官租入太倉

題虞山丹房圖和周仲方韻

虞山高哉幾千尺
屹立巍倚空
碧中有山人
踞中陽
燒丹避世全形蹟
晴空煜丹光
浮丹房
正對西湖頭
平波浩涵倒影
穹岩拂飛晴
流尋真每入雲
深去聳絡煙
蘿繞瓊樹
丹砂石髓藏
深崖瑤草琪花滿
幽路天梯隱
重複重危梁
駕水

如長虹松扉敲月訪仙友禪房啜茗談真空時平
歸隱人孰擬佩玉相過動閭里冥觀萬化同虛空
放浪形骸等雲水奇哉景物幽更妍清詞妙畫人
間傳流傳至今經幾載披圖滿目空雲煙君不見
蓬壺渺：稱人仙古今馳慕求長年陰陽妙合聚
復散海波昔日多桑田中陽一去不復返星移物
換俱茫茫獨存長松覆荒井至今夜：聞啼鵲

挽林範軒

脫屣煩埃赴閻風摠衣無復笑談同塵歟曉榻雲
窓掩月滿秋堂蕙帳空邑里談經思伏勝河汾誨

道憶王通傳家喜有

清朝敕奕葉詩書世澤隆

題印制置遺墨卷

宋至咸淳事已非南冠無奈北風吹印家喜有賢
孫子遺墨猶藏永孝思

答以平寄韻

或傳予日誦佛書寄詩見嘲就
韻以答張詩附後

薄俗於人易毀譽聽言當揆理何如草廬自信今
猶昔有讀人間非聖書

張詩原韻

高談雄辯衆稱譽自揆昌黎也不如何事壯懷
今日盡焚香惟讀佛前書

和魯質寄韻

稻熟湖田喜遇晴家樂飲慶秋成太平官府美
科少盡夜月明無火声

題蘭花

岩迴香風遠林融葉露新不隨蕭艾化應待獨醒
人

題金文鼎清風樓

清風樓中寫萬竹清氣逼人風滿樓看之不減文
与可愛此何殊王子猷雲來兩壁陰颿月出四
座寒颿憑高縱覽奇興叢題詩千載同悠

又和以平寄韻

獨守衡門樂養恬素懷無復嗜穠纖耽詩嬾向人
前寫愛酒多從醉後添紫茗初嘗雷未動黃精旋
斲土猶黏太平時節終吾老願比前賢蔗境甜

送周亮婦吳省母

母病南鄉邑翁衰客帝京一身難盡老兩地若為
情暫喜歸期近却堪別恨生清時當出仕迎親及
親榮

訥叟在南宮獲歸田里永樂丙辰冬復以儒
醫取至蒙送太醫院教醫門子弟自揆庸愚

且非世業惟切競懼因成鄙句錄似御醫趙
先生并示讀書子弟俾萬志學問以無負恩
遇云

醫道淵源出聖神內經傳遠浸失真衍文錯簡傳
會衆魯魚亥豕尤紛倫越人著雜八十一長沙方
論後復出并和脈經宗長沙三書歲久亦殘失後
來傳秘分諸科舊方新病多差訛河間戴人繼絕
學易老東垣功更多聖經賢傳不一足誦論陰陽
資化育微言欲議理趣深自非儒者焉能讀彼哉
俗醫不讀書記方試病欺庸愚 吾皇仁聖憫當

世此心上與炎黃俱特令選取醫家子召入內庭
親點視擇師教讀先儒書要使通書知奧義嗟予
家世本儒生誤膺保薦來神京茲為承命俾典教
凜然朝夕心如醒諸生遭遇超今古造就 思深
同父母願言勤學蚤有成罄竭忠丹報 明主

聞生孫

葉生走來報吾家添得孫三世今眼見先人舊德
存富貴不敢望聰明何足言但願淳且魯長大保
家門

寄錢靜學

人生所好至樂惟讀書所以古賢豪好學常動
渠秋林挾冊觀春郊帶經鋤耜競分陰斲動
三餘學成有諸已用舍隨何如贏金多聚散學殖
何盈虧開卷須有益絕勝博筭娛題詩寄悵勿
謂予言迂

題陳母慈節堂為陳惟學賦

為母能盡慈為婦能盡節慈能長孤遺節能保貞
潔惟昔葉砧喪生孩甫期月慈爰躬撫養節操凜
冰雪宵燈響寒機雪窓教書冊兒長父有後兒孝
母心悅顧瞻庭樹烏返哺口流血因極思難酬華
扁高堂揭托名文字間千古應不滅
聞兒病

書到忽聞兒子病書中只說病無妨却疑字畫非
兒手展轉無眠覺夜長

送盛啓東復任

承恩出帝鄉客路過雲陽店月鷄聲早山風藥籠
香官閒歸本郡親老在高堂采服躬調膳春庭日
漸長

庚子歲 車駕在北京六月望日忽使者馳
驛來召遂詣文華門拜辭乘驛舟以往

天使持書遠見徵，即日遂登程。龍河驛畔揚
帆去，回首江山無限情。

七月三日蚤入覲

紫陌雞鳴夜未闌，鴻臚特引覲。天顏恩波浩蕩
應如海，日許趨朝侍宴間。

分題垂綸長川送人歸吳劉原博求

數罟不入池，盆水活噲喁。惟仁及微彙，生意漸流
通。所以古哲人，匪圖口腹充。為養或為祭，垂綸在
深潭。豈無竭澤計，盡物非所悰。知足澹自安，浩秋
樂何窮。俛仰起遐思，題詩寓予衷。

送人還鄉

十年不到海虞城，每憶松楸動遠情。歸到家山躬
祭掃，禁煙時節正清明。

題茗溪山水圖

國朝昔年寫山水，九龍山人誇第一。尚素近來亦
擅奇，筆勢翩翩更無匹。生平自重不易求，一筆不
與庸俗流。陳君意氣遠相合，欣欣寫寄茗溪秋。茗
溪人家秋最樂，山色川光映林薄。鱸魚上釣鮮可
羹，白酒新菊更堪酌。我生家傍琴川城，幾年作客
居神京。客憲題畫動遐思，悠然兩腋清風生。丈夫

行藏隨所遇萍梗相逢何足趣還若此畫難為情
浙秋声滿庭樹

題春暉堂

三復當年遊子吟斯人千載實同心生成德比陽
春廣鞠育恩如雨露深祿養喜叨三釜久親年還
懼二毛侵高堂愛日取歡處一寸光陰一寸金

題金汝礪小画

數間茅屋萬重山裏閒雲自往還老我何時歸
故隱晚年心事寄雲閒

蒼松護草廬閒花幽草滿庭除呼僮瀹茗消

殘醉一榻清風午夢餘

詠胡汝器庭中排桃

春城寸土寸金同一樹桃開占曉風贏得新詩題
滿卷絕勝溪上萬株紅

除夕悼亡在南京作

老眼昏、值歲除悼亡無泪但長吁一往無復承
家學千里那能共客居通喪孫能傳世業

王通上儒傳家至通善經術有中說行世秋其書為其

子郊時誣妄所玷孫勳勅皆善文傳世業 塾
亡身許返田廬晦翁守漳子壘死 不才何日蒙殊

渥歸教遺孤讀

書

送蘇性初還吳

請告東升日寒江上客
舟潮生初雨霽風靜凍雲
收當路多青眼雙親盡
白頭明年應謁送此去莫
遲留

題陶穀驛亭圖

驛亭孤媪客情移夢入
梨雲度小詞明月風光筵
上好蒼茫歸國悔應遲

讀晉南豐虞美人草詩

楚歌四起羽心憎欲挾虞兮
老莫能一劍庸酬今昔
寵舞衣反亂帳前燈

羽垓下歌云虞兮虞兮奈若何虞乃自刎

思菴先生文集卷之一

思菴先生父粹卷之二

詩

訥曩因陳情獲承 知遇永樂甲辰冬朝臣
以明徑脩行薦天官引選欽蒙 獎諭授行
在湖廣道監察御史因述小詩以載 恩遇
之幸庶幾少因補報于萬一云

天子龍飛萬國春銓曹祗引覲 楓宸當年識拔
皇恩重此日榮除 御墨新桓典才名居憲府馬
周羈旅際昌辰祗今 盛世超前代獨愧無能繼
後塵



端午賜扇

疊扇榮頒出尚方，太平時節正端陽。招藏小：堪
歸袖搖動輕，易取涼。不用丹青圖景物，滿書經
訓煥文章。微臣拜賜慙無報，願奉仁風永播揚。

大禮度成賜宴

圜壇昭祀格精誠，百辟催班慶禮成。宴錫 殿廷
親 黼衣樂陳軒陛奏咸英。 恩波浩蕩頒嘉昨
嵩祝歡呼悅， 聖情白首從官無補報。載歌天保

答 皇明

太學丁祭監禮

成均八月陳丁祭，庭燎煌：夜氣清。祝冊昭宣傳
帝命宮懸交作間，歌聲鐵冠監視嚴。三獻玉佩趨
滄真兩楹，禮備樂和神格止。永資神化作文明。

題画

傍山結樓居看山，飽成癖地高脫凡。近境穽塵喧
隔枯茨，葺新卉庭戶多佳色。好鳥應時鳴流音，叶
鐘律以茲領生意。冲襟自融釋，客從何方來。囊琴
欲相即，太音本希声。妙趣在心得，斯言倘相契。交
期永金石。

題四景

雨過尋芳出較遲
小橋平水路參差
落紅點點春容減
愁絕東風聽子規

右杜甫尋春

好鴛人去墨池空
千載爭傳字畫工
一卷黃庭真蹟泯
野花啼鳥幾春風

右羲之好鴛

籬菊歸來手自栽
天寒徒自傲霜開
菊枯柳瘁時將改
獨把幽情付酒杯

右淵明愛菊

山風吹雪滿溪船
訪舊歸來月在天
何似東山高卧者
日高猶自枕書眠

右子猷訪戴

和沈侍讀韻 居庸候朝

龍虎基高近塞垣
千官齋宿候回鑿
山呼便殿瞻

天表班肅行朝戴
法冠萬里降王身
入侍窮荒殘薛膳
應寒放牛婦
馬烽塵息永祝
吾皇壽萬安

又

聖主巡邊討逆胡
黃金行殿擁宸居
雲屯甲騎陪仙仗
風散天香遠
屬車共喜皇威清
朔漠從今黎庶樂
田廬侍臣感
遇陳歌頌爽
奎光滿秘書

冬至

緹室葭灰琯內浮
鬱葱瑞氣滿
皇州微陽資始
占雲物化日長吟
賀冕旒萬國共朝
天北極儒

冠列侍殿東頭履端共喜遭逢盛願竭丹心答火
獸

送李十林歸松江再往興化省父太守

阿翁之任七閩去令子來寧到 帝京名滿中朝
新出守目窮千里獨含情泥融驛道征塵少冰泮
官河去棹輕此去莫辭行路遠荔香風裏采衣明
送熊太守之官常州府

仁化維新日遺民望治時一廉躬自守千里政無
私雨露桑麻長霜風檣棘哀醜黃名尚在好與共
襟期

蘆汀夜筵

木落洞庭秋萬點蘆花雪一笛夜中吹占斷波心
月

秋浦晚畧

淡煙起前汀斜陽沈遠樹漁翁畧未收家在溪邊
住

題十八學士琴棋書畫

隨風掃蕩淫哇息此日絃歌四海同策府從官無
底事悠哉一曲操南風
房喬清譽冠時流馬上從征獨善謀四海一家戎

事息閒將翰畧付文楸
昭陵雅好蘭亭帖臨寫當年集眾賢獨有虞公書
最美至今戈法尚流傳
羣仙傑直侍蓬壺閒抒幽情入畫圖絕勝閻生在
池上吮鉛含墨愧傳呼

題莊菜園

春菘得雨春園裏嫩葉娟淨如洗呼僮買得煮
晨羹香軟偏能使老齒東家開宴羅八珍西家醒
酒膾錦鱗何如易史守清淡中之樂全吾真君
不見咬得菜根心不易世間百事可做得

送邵廉使玘之官福建賦得麒麟堆
宣尼居魯日西狩獲麟時濯形偏異振性更
奇作往應感瑞絕筆有餘悲此際逢昌運徑行動
遠思

題花鳥小景

丹葩綠葉覆庭隅野雀銜蟲哺衆雖不識養成毛
羽後宥來返哺學慈烏

右梅花老雀

幾年不見歲寒姿客裏觀圖動遠思彷彿故園書
屋外翠禽聲斷雪晴時

送王教諭之官尉氏

汝玉孫

美尔精家學承 恩及妙年生徒居誦下條約在
身先 昭代儒師重名門世澤延願言勤敦學他
日見騰騫

題鬪鶴鷄畫

天生文采好毛衣逞健誇強競尔私何似解仇隨
處樂秋風未素正離

題牧牛圖

平坡牛背穩如舟短笛橫吹得自由回首忽驚天
已晚半輪落日在山頭

丙午四月出按浙江

祇命分巡赴浙江潞河水驛上官航撫心自愧
才非稱願竭公清報 聖王

五月朔到家祭先塋

十年不得謁先塋此日榮歸感 聖明在公固當
忘私事過家不入豈人情儲休積慶賴先世潔牲
奠酒陳微誠祭畢明朝便南去簡書有嚴難緩程

到浙江分院

江浙從來稱要地倚羅玉帛冠東南分巡此日開
分院誓潔身心警衆貪

岳武穆王墳廟在西湖上歲久風雨震凌廟

貌毀壞因命郡邑重新脩蓋踰月而畢

岳王英烈冠當時父子含冤最可悲和虜若臣同
北面孤忠墳樹獨南枝丹青剝落生前像梁棟傾
頽死後祠盛世褒崇有 明詔殷勤脩奉莫容遲

謁墓次趙松雪韻

棲霞嶺下岳王墓宰樹彌風石甃危屨主當時甘
屈膝孤兒終見豎降旗長城自壞應堪恨大厦將
傾竟莫支回首鳳皇山下路故宫禾黍更堪悲

石經歌有序

昔宋太宗嘗曰朕退朝觀書外面意字畫

雖非帝王事業不愈遊畋嗚樂乎迨高宗
亦曰寫字當寫經書不惟學字又得經書
不忘紹興二年宣示御書孝經繼出易書
詩春秋左傳論孟及中庸大學：記儒行
經解五篇摠數千萬言刊石大學淳熙中
孝宗建閣奉安親書扁曰光堯石經之閣
新安朱熹脩白鹿洞書院奏請大帝石經
本是也元初西僧楊璉真伽媚朵哥意葺
宋諸陵造塔行宮故址取碑石累塔路官
申屠致遠力爭而止因建議改學為西湖

書院歲久闕廢碑石斷折零落洪武中移
仁和學于書院狀石經久廢人莫知留意
也宣德元年夏予出按于抗觀之慨歎迺
屬守臣盧君玉潤率教官生徒四散收拾
得全碑若干碎折若干一補鑿共得經
碑百二十片昇置殿後及兩廡見者驚歎
因作長歌以紀其事庶後人知所愛護云
思陵避狄東南隅臨安建國稱行都投戈誨藝事
經術諸經語孟咸親書字形僅比黃庭小楷法欲
與爭先驅宸章赫奕麗霄漢鸞翔鳳翥昭神謨宰

臣敷奏勒琬琰工徒竭蹶爭奔趨琢成豐碑凡二
百一：摹刻無遺餘身高八尺廣踰半上圓中直
安方趺列藏成均首善地要令萬世瞻弘模淳熙
紹統構傑閣覆蓋護惜同璫璫嘗令良工打石本
散布學校周寰區矣精陞海宋社屋胡元馭宇崇
髡徒豪酋楊璉媚姦相走昇碑石營浮園路官申
屠力爭止改立書院名西湖陵夷百年闕既毀石
經倒折誰匡扶小者搗墻布行逞火者顛倒橫溝
渠遂令至寶逢汙蟻誰復張眼來睚眦嗟予好古
生何晚忝官六察乘輶車仁和邑庫偶得見對之

不覺成歎歎岐陽之鼓久已沒東都石經今亦無
俗流愛好蘭亭刻視此何啻天淵殊急令郡守集
吏卒手舁繩拽來庭除爬剔洗去垢穢灰黏鐵
鈕相聒孳孳行數字共合轆妥置長廊寬更舒東
西峙立無杌隄深簷蓋護何他虞零殘塊礫埋殿
後免遭賤辱居泥塗當今 大明御四海嚮用經
術崇文儒浙江大府列藩臬聖賢謨訓當弘敷我
歌石經示來者立言雖鄙良非誣

訥又按紹興元年乃辛亥歲先是建炎四
年庚戌金撻懶陰縱秦檜還倡和議高宗

惑其說明年拜右相又明年壬子高宗曰
檜言南人歸南北人歸北朕北人將安歸
檜語塞因免官榜其罪朝堂不復用三年
癸丑金李永壽來諭和欲畫江益劉豫與
檜前議合朝議益知檜與金共謀五年建
太廟臨安侍御史張詢言去年建明堂今
年立太廟是將以臨安為久居計不復有
意中原不報六年丙辰以檜為行宮留守
參決省院蓋欲與金和故令豫政七年為
樞密使八年拜右相兼樞使王倫又偕金

使來檜奉高宗拜受金詔奉藩稱臣樞密
編脩官胡銓上疏乞斬王倫及檜詔銓監
廣州鹽倉十年岳飛大敗金兵于朱仙鎮
兀術遺檜書曰汝朝夕請和而岳飛用兵
不已必殺飛始可和檜亦以飛不死終梗
和議已必及禍因力奏取回飛一日奉金
字牌十二乃引兵還十一年拜檜左相兼
樞使以何鑄僉樞院充金國報謝進誓表
使乃殺岳飛于大理獄十二年徽廟之喪
及后韋氏至自金加檜太師封魏國公十

五年賜檜第親幸之復御書一德格天之
閣以賜二十年軍使施全刺檜于路不克
檜親韜之答曰舉天下皆欲殺虜汝獨不
宥故我欲殺汝也詔磔全于市二十五年
檜病進封建康郡王加其子熺少師並令
致仕是夕檜死竊惟高宗惑檜邪說忘不
共戴天之讎甘心為其臣僕予之是歌蓋
痛先聖賢徑訓被人污蟻踐踏身若檜之
惡則載題聖賢圖像後及晦菴除秦檜祠
移文此不瀆告云

題朱縣令廟 有序

宋建炎三年高宗避狄明州孫于海兀亦
犯臨安苗守康允之弃城走錢塘令朱蹕
率尉曹金勝祝威力戰皆死寇退立廟死
所洪武初載在祀典予至脩謁則上兩旁
風敞陋殊甚因命郡邑重為脩造惜乎宋
史不為立傳而通鑑續編亦失備載故今
郡人皆以金祝廟為稱而忘朱令予因考
郡志大書以示後人云

翠華孫海避胡戎苗守奔逃省院空獨有錢塘朱

縣令捐生迎敵奮孤忠

錢塘朱令捐生日金祝當時亦殞軀

昭代褒忠

同廟食至今祠宇近西湖

南渡三臣舊有祠重加脩葺際 清明大書事蹟

傳于世庶使勳名久遠垂

戊申五月出按貴州

詔命分巡赴貴州江南萬里路悠：同官笑說先
曾到指向南西天際頭

過淶陽

淶陽江水急如弦坎止流行理自秋何事當年老

司馬琵琶一曲涕漣漣

題岳陽樓

御人冷融司訓是
郡携果酒同登

岳陽樓下洞庭水極目無涯思渺茫遠接九溪來
鼎澧旁通百粵過瀟湘神都遙望隔千里舊友相
逢共一觴三復希文當日記先憂後樂豈能忘

登君山寺和故人李尚書至剛壁間韻

昔年幾度君山過此日停舟始入山旅鬢自驚霜
雪滿禪心應共水雲閒龍來聽法還潭底客去笛
詩在壁間次韻閒吟紀清興回途當復扣禪關

題馬伏波廟

在辰州三面皆山門前
南北二江通五溪

辰陽城南伏波廟 昭代春秋祀典崇萬壘青山
三面拱兩江流水五溪通雲基不寫當年像蠻俗
猶懷舊日功試問同時諸將相幾人廟食享無窮

至辰州

有序

洪武中先君子仕辰之沅陵不肖孤隨往
凡三載後罹火故思死迨今越四十年矣
茲焉道經是郡父老聞者相率來謁不勝
感悼明日遂上肩輿啓行云

昔年隨侍往辰州屈指俄驚四十秋孤露餘生今
白首停舟城下泪長流

邑中父老來相謁話起當年感悼深
政拙徵科勞撫字至今遺愛在人心
肩輿此日辰陽驛暑雨泠便啓途
王事有程當自勉宵將衰朽惜馳驅

題新添衛分司壁

新添新建分司屋憲節新來暑止
酣誓潔身心期報補要令清譽滿西南

分司職典澄清寄寢息行藏衆所
窺寄語後來當戒謹共弘風紀肅羣司

至貴州有序

自辰州登途日行高山陡壑中時值六月
暑雨痛風舉發兀坐肩輿四顧蠻洞相傳
皆槃瓠遺種凡行十有六驛歷十五日始
至云

暑雨深山行半月肩輿病骨痛難禁
登高應似登天遠下壑渾如下井深
溪洞盡傳槃瓠種樹林時度鷓鴣音
此行跋涉良非易願布霜威服衆心

貴州和沈學士寄韻

萬里南巡出帝畿衰年寧似少年時
中心久已安清白前路何須計陰夷
碌碌每嗟無寸補忽

今又遇瓜期行看得代還京國剪燭西窓共論詩
八月九日出貴州城口占四絕

去歲分巡到貴州迂遷真欲解民憂今年得代還
京日父老攀轅兩泪流
父老殷勤共致詞曾陳愚悃上京師誰知借寇情
難遂目送輶車動遠思

清曉三司送出門邊一揖便相分臨分不用陽
關酒共勉清勤答 聖君

蕭：行李向東還要歷湖江共險灘若有私贓并
土物任教沈向碧波間

寄貴州宣慰司儒學二廣文有序

初予往貴州或謂夷人性別若弗納饋送
則生疑下蠶予以為蠻夷重利父子兄弟
至讎殺爭效苟能撫愛而却其物彼豈不
悅服而反加害乎既至詢其人皆羅鬼佬
佬木佬猫蠻等類三司官府既眾擾害生
而蠻困矣遂出榜禁止孳生羊馬和買供
給等弊復具官員使客擾害之情入 奏
未幾鄭参政景曜孫深入乾牯寨低價買
物因為擒解抵以流罪繇是相戒弗犯越

數月宣慰女土官賓香率羣蠻以馬羊米
酒糴貨來獻予拒之則伏地致懇因諭之
曰予禁諸官擾汝若受汝物彼無顧忌則
益擾汝矣汝持此物歸所部遇貧者給之
蠻聞皆再拜歡忻而去又數月夷民羅鬼
把事王彥成等不遠萬里詣闕奏曰乞
苗吳某數年遠近夷人皆得安矣 朝廷
不忍弃某久處蠻瘴之地循例送官來代
至之明日予即出城行三十里有蠻奔覘
從者驚駭蓋前兩月有執馳驛烏撒鎮撫

入寨索物取贖者予亦疑焉少頃羣蠻數
十人鬼形烏面執酒一葫蘆熟鷄一隻跪
曰我山後羅鬼計毛也我鄰人前當寨長
牛羊米穀供給不敷我今年輪當火人禁
約官府無科取我蠻要保苗今聞去特領
一寨男女拜送予遂取雞一鷓酒半盞嘗
之餘令蠻自食遂皆感泣羅拜復送數里
乃退因書小詩寄二廣文使達三司備衣
諸公俾知蠻人有義若是且信予前言不
虛云

羅鬼蠻酋弭計毛嗚呼朋類拜山坳手持雞酒來
相送說罷潛：兩泪拋
葫蘆裝酒出蠻方暫駐肩輿為一嘗：罷羣蠻咸
感泣弭呼相送過前岡
聖朝仁化歷年深誰謂蠻夷類獸禽好逸重財仍
有義好弘風紀服蠻心

題典隆衛分司壁 有序

予住貴州十五閱月方面官相見惟一茶
而已雖慶節及迎接 詔敕未嘗與同酒
食豈得代歸當日晚行至龍里驛蘇都指

揮寶令其弟以象牙器物來饋予麾斤而
去又三日至清平衛則都司李政又令其
子以駝絨牙笏等物同吾鄉人陸本中來
送力辭弗已欲執送官始匍匐走歸嗚呼
予之不能取信于人也 有是哉 明日至典
隆將出貴州境遂題一詩于分司東壁以
寓意云

為士尚清白猶女守貞潔纖介苟一渝他美奚足
稱所以古賢達千載存餘馨暮夜畏四知嘉言炳
汗青曰予本賤士 皇恩寄澄清出按西南疆習

俗貪以爭秉法去宿弊申諭安疲氓禁絕宴好私
弗與通人情庶幾激羣職相勉據忠誠不期欣得
代星言遂晨征行囊半書冊歸袂清風生峻詞却
餞送恐汙清白名節義泰山重貨賄鴻毛輕題詩
寄愴：勿謂予言矜

至高都驛有序

自貴州山路行八驛至平溪足痛不能坐
輜因登獨木舸船行三驛至沅州上站船
又行十驛至辰州不復停駐復再行五驛
至常德高都驛纔既灘石之險計數日間

水程歷十八驛日行險灘惡瀨中至有一
灘長二三十里者亂石怒流莫可名狀彼
人云北人只說呂梁險見此必當心膽碎
詎不信哉

小：舸船礙兩肩只因病足好伸眠上灘下瀨多
驚險憶殺江南坐畫船
數日往過數十灘灘：險惡使船難北人只說呂
梁險見此應當心膽寒

泊團山

洞庭湖裏團山下憲節東歸艤棹時寄語龍神息

風浪此心無愧有天知

去歲登君山曾和李尚書韻今秋舟過就韻

寓意

清秋憲節還朝日舟過君山看遠山湖水歸洪山
北闊天風助順棹歌閒西瞻辰澧滄波外南望衡
湘杳靄間從此兼程向京國五雲深處是天
關

又

去歲停舟遂入山今年風便倦躋攀何時更在山
前過重寫新詩向壁間

題芙蓉

衆卉怡春逞艷姿終飄落已多時何如開向秋
江上露葉霜苞獨擅奇

題梅竹聚會圖

伶倫吹暖到梅邊禽鳥何應得氣先好待上林芳
意滿共調嬌舌語風前

庚戌七月八日欽蒙特恩陞授都察院右

僉都御史

詔僉都憲治南都任重深慚智術迂地遠苗司多
從逸員多各道難清汙惟堅冰蘄持風紀應見豺

狼避遠途明發 陛辭馳驛去宵因衰朽惜馳驅

八月六日赴南京都院任

夜漏聲殘曉箭催都門初闢赴都基 端寅長舊
知己基下賓僚新俊才 耿 丹心思補報蕭 華
髮愧衰顏政成會見朝 行間乞取餘年歸草萊

挽曾學士

永樂旄飛泰運開詞林欣覩狀元來 大廷寸晷
萬言策 內殿新詩七步才法從清高躋四品卷
光赫尖映三台傷心歸櫬龍河上泪洒西風奠一
杯

挽靜齋黃少保

宗豫父

永嘉山水東南秀 昭代生賢古所無壽邁九旬
全五福官封一品位 三孤詩書奕世承先訓忠孝
貽謀足永圖向月東遊訪林谷殷勤一束致生芻

題向都御史挽詩卷

辭榮歸老樂悠 何事倏然賦遠遊 墓有豐碑鐫
史筆卷多哀挽盡名流 四朝散歷聲華舊兩代
地封 寵澤優翹首佳城渺何許澹煙斜日滿松
楸

周宜人挽詩

功叙母

圓象無停運流光去如馳賦形百年中奄忽更歡
悲惟昔奉君子柔嘉展多儀和熊教子成掇科仕
明時 湛恩貶封邑歡並黃髮期何期霜霰絲慈
萱竟先萎悲哉孺慕情違 涕漣洏榮養今莫遂
終天恨難追惟存五色誥永世揚光輝

送陳生歸蜀掃墓立碑

平江伯子
襄城伯求

迢迢西上省松楸萬里江山樂壯遊灑瀨冬寒湍
水落岷峨春霽暖雲收穹碑新立勲名舊三代追
封 寵澤優判得東還春已暮杜鵑聲裏促歸舟
題雪屋圖

一天涼思雨晴初雲氣漫山半有無好似當年讀
書處草堂依約樹模糊

送鄭生恭捧誥歸金華

父任大理寺丞
祖母年八十

八十慈親天下稀榮封 綸誥日邊歸帆開潞水
春光晚再到金華暑意微三百歷年欣義聚數千
食指慶家肥名門子弟深加省祖訓當遵繼德輝
記曰父子篤兄弟睦夫婦和家之肥也金
華義門鄭氏為天下第一家予自洪武中
識尚書公于京師後獲交梓美典藉予詞
林今又得與寺丞公文好之久益切敬羨

古語云名門右族成立甚艱履墜六易茲
因鄭生捧 誥榮歸敬借寅長熊公韻以
致展賀及規勉之意云

題錢公達畫

迢遞青山隔遠溪湖光搖綠映茅茨市塵不到清
如水絕似沙盆過雨時

沙盆錢住
處地名

今題賦得南山聳翠壽段侍郎母 七月誕日

南山秋色兩相宜笑詠南山祝母儀壽比岡陵全
五福名標洞府介繇禧玉田氣暖煙霞滿芝圃雲
深歲月遲此日朝紳稱壽處絕勝仙客會瑤池

中川十景 有序

黃門給事李君蕃以其鄉邑中川諸景請
予友通政陳公求予作詩誼有不可辭者
因成小詩十章以塞其請

瑤壇醮虛皇人去迹已非惟存舊時月千古揚光
輝

醮壇曉月

從龍朝出山救旱澍甘澤萬物得生遂玄功妙難

測 龍洞朝雲

華萼媚陽春獻賦稱獨步何如舞雩人悠然樂真

趣 華萼春暉

宋相讀書處石柱凌晴空百事泰運回最我繼高
風 書樓畫錦

雁塔淡題字川陝跡已陳文明屬 昭代穹碑滿

成均 雁塔題名

桂湖涵晴波芳潤浹九里天雲影徘徊源頭來活

水 桂湖澄碧

岩泉匯成湫水涵空碧行觀挹奇爽獨有招提

客 聖水湫

葛令煉丹去此地餘空井長松挂寒月更闌落清

影 葛仙勝蹟

蓬萊隔弱水東望不可往何似中川人三峯日游

賞 三峯僭翠

東林晚最佳滿目摠詩判彼美謫仙孫徜徉足吟

眺 東林晚眺

送蹇伯榮往北京慶父少師壽日

北上親庭奉壽觴都門春色曉蒼帆開揚子東
風軟路近金華化日長盛世八荒開壽域元臣七
袞尚康強過庭想復聞嚴訓世守清勤報 聖皇

送沐舍人往雲南省父

迢遞滇南路青年獨往還鯨波三峽水鳥道萬重

山忠孝承先澤威名振百蠻此行榮捧 詰應足
慰親顏

和段侍郎齋宿詩有序

大祀開濟之旦承示佳作因憶曩歲叨俸
從班屢沾慶成榮宴迺今仰望 行朝如
在天上敬就韵勉成二律一以紀當日遭
遇之榮一以答來意之厚云

慶成玉殿開春宴

恩意兼隆古所無韶舞聲傳

天上樂衣冠香惹

御前爐炭年盛禮叨陪奉此

日端居默感字深愧餘生難補報衰顏無復鬢毛

烏

涼月浮光滿太虛齋房深處俗塵無清声依身聞
天籟薄煖烘人近地爐報 因此心思共勉論文
真趣在相孚詩成利得無他念獨愛在前返哺烏

題章侍郎壽詩卷

其子進士瑾
求十一月誕

蚤歲登瀛被 寵光 累朝敷歷鬢蒼 天開子

月陽初復節屆生朝日漸長三品亞卿司禮樂五
花官誥煥文章世科有子能繩繼笑舞翩 奉壽

觴

題陳山人壽詩

弟司業求四月壽
日年六十有一

橋門鐘澈曙光分
遙望家山祝壽辰
九十春光今始過
一周花甲再交新
晴郊步屨尋佳友
夜屋書聲訓後人
何日遊行到京國
對床聽雨叙親情

題徐熙草蟲竹石圖

憶昔何人善草蟲
徐熙當日最稱工
葦生不藉滋培力
點染能參造化功
彷彿飛鳴新雨後
依稀蠕動午陰中
最憐竹石尤蒼古
歲晚相看節捺同

題江山嘉趣圖

半幅長簾作画圖
江山佳處搃堪摹
嵐光遠近分濃淡
水氣迷茫似有無
山店酒香留客騎
江村風

冷足尊鱸被國頻
起東歸思茅屋蕭
在海隅

題雲山草堂圖

夙志尚幽討
寒雲結茆屋
下俯清溪深
上倚寒崖
矗軒牕
列文史
曛明恣採鞠
欣秋會心處
長歌振林谷
陽春轉圓運
陳根被新綠
閒庭生意滿
忘言
遂幽曠
嗟予骯髒姿
白頭尚耽祿
何當乞身還
相尋
尋
繼
遐
躅

題鳳臺別思卷送沐公子可觀往雲南省父

送別城南趁早涼
鳳臺初日徇晴光
卷中珠玉吟囊重
眼底江山客路長
南詔勲名弘舊澤
將門詩

禮藹遺芳此行應復聞嚴訓世萬忠貞答 聖皇

送黃儒愷歸豐城

尚書宗載子

渥注出驥子不与凡駒同稟靈既權奇調習尤加
工悅首受羈銜矩步恒雍：一朝骨骼成馳獻天
閑中鞞革飾丹腹樊櫻間青葱馳驅合和鸞奉引
乘清風陋彼躑躅羣曼逸徒稱雄三復尚德肯願
言繼追蹤

挽周處士

驚颺振平陸庭椿遽云摧脩景不暫駐哀音遠來
馳哀裳急奔還會定窮山陸備物象平生小大成

陳茲玄廬一以閉四顧空淒其音容再難覩終天
恨何追求詞發潛德垂世無終期

送王都憲勦還京

皇華遠 召出西江暑雨初收日正長幾載撫巡
宣 帝澤寸心清白凜秋霜過家拜母聽慈訓到
闕朝 天被寵光好竭忠誠輔堊長共弘風紀報
君王

挽章侍郎啟

夙昔重相知同朝復多載兩京欵睽索寤寐懷風
采擢登春卿亞吾道增輝采祿秩方遠期年齡不

相待計音天外來聞者盡驚駭郵典蒙鴻恩挽
歌得僚窠文章滿石渠聲譽傳湖海世科有賢似
繼述於焉在靈輻駕言還日落愁雲靄芻真愧莫
親臨風泪空洒

挽陳侍郎鼎無子

官居六察同寅久共拜天恩副憲基前歲喜膺
遷職寵今春忽報訃音來其喪拜遺書在嶺海
迢迢旅櫬回此日龍河相送處老懷悽切倍增哀

智溪八詠為安成彭進士貫賦

雙流沁寒碧匯合環幽居深源發嘉祥和氣充門

問

二水合流

詩典滿三洲眼底總吟判彼美軒中人徜徉足游

眺

三洲品列

聞說幽栖處西溪樹最奇酒酣閒坐久面、好風

吹

西溪奇樹

東麓有寒泉味似中濡水試煮蒙頂茶香絕應無
比東麓甘泉

羊岡有故蹟云是仙人化流傳世代久遠近成奇
話羊岡仙化

佛嶺結招提山僧入夜歸輕敲月下門雪滿伽黎

衣

佛嶺僧歸

仰峯最高寒雪霽滿岩谷倚杖傲奇觀清光眩吟目

仰峯雪霽

行雲無定踪出自鵲湖陰從龍今際會願作商郊霖

鵲湖雲起

祝周員外岐鳳

長洲傾蓋論文後兩地分違歷幾春晚歲同朝情更洽斯文相聚老弥親著鞭先我恬歸隱哀訃俄聞獨愴神家學有傳垂不泯史官遺刻在蒼珉

送趙日新郎中還杭州

潞河八月寒信蚤策策霜風動林杪郎官此日承恩歸雀髮雙親年已老雙親雀髮拜寵恩白鷗錦繡宮袍新雲冠霞帔受封邑頓令光采生清門烹鮮擊肥奉甘旨色里親朋盡生喜便當及蚤促裝還移孝為忠報天子

題余生挽詩卷

伯魚既云天受之亦先姜聖賢元氣會致此因何為解一火鈞陶萬有氣聚形以具厚薄稟既殊短脩有恒數解二余生稟純慧穎稱家兒孝友出天性績學勤書詩解三學成年甫冠開門授童穉父官王

堂中子為青雲器解四是父有是子名稱滿京華一

朝溘摧天朝紳動咨嗟解五：膝下孫翁歸善教

撫仁者必有後古訓非虛語解六：塞子年已哀寄羅

舐犢悲有孫莫歸教撫卷增悽其解七

侍誦余君正安養疾歸南康以亡子挽詩

卷求題正安年始六十桂孫已垂髫乃今

優游歸老其能撫之教之也必矣予也亦

嘗罹舐犢之感幼孫惻：遠在數千里外

視君之歸寧有不感于中耶庸書小詩七

解于卷言不成文讀者識予意云

白雲親墓為陳孟玉賦

白雲親墓吳山下千里相違歷幾春暝合松楸瞻

望遠陰連桑梓夢歸頻馳驅久已勤 王季流慶

還應在後人 聖代祇今多雨露竚看追贈 寵

光新

陳良繼祖母嚴氏挽詩

良人先逝子先終獨撫孤孀守固窮破屋詩書冬

雪冷空房機杼夜燈紅婦能全節承慈訓孫已成

人繼祖風此日奔歸營宅兆吳山深處白雲中

題春夏秋冬四景

屋下清流屋上山嫩紅新綠滿林間黃庭讀罷無
餘事猿鳥不驚春晝閒

五月溪風拂面涼扁舟蕩漾釣竿長得魚歸向前
村過茅店新菊酒正香

霜染丹楓媚晚秋一篙清水泛輕舟杖藜後步歸
何處應向雲間覓舊遊

凍寒凌競懶著鞭天風吹雪滿吟肩想應欲探春
消息只在溪南淺水邊

題趙主事風木圖卷

商飈吹寒起天末庭樹驚秋聲淅々天涯有客念

慈闈欲養不逮增悲感慈闈既去不復還高堂椿
翁壽且安翁壽且安宜盡孝况有厚祿能承歡嗟
予早年失恃怙抱恨終天心獨苦題君此卷難為
情門掩西風泪如雨

題射柳圖卷有序

射柳起自近代事見通鑑續編 聖明因
而不廢者蓋以其程藝能示賞勸而不忘
乎武備也某忝官于朝每以多病弗克躬
親盛禮今襄城伯李公出示瑞陽馬戲圖
通政使陳公既為題識予因追憶往事賦

之以詩

太平時節屆端陽射柳神皋日正長
馬旅朋分誇健捷龍媒駢逐競騰驤
藝精弓馬皇情悅宴錫蒲觴湛露香
武備不忘文化洽萬年洪業邁虞唐

新雪即席和吾貳卿韻

冬深瑞雪喜新逢共話來春歲已豐
光映晚窻天不暝寒欺曉苑酒頻空
四郊瑞靄歡呼裏萬樹花開頃刻中
此日賓筵多俊傑共歌天保答天工

題梅

孤根獨得先天氣吐出疎葩分外奇
公館夜闌清

夢醒半牕斜影月來時

題黃雀樓圖

黃雀樓前江水流昔年幾度艤歸舟
客寔此日看圖畫老去令人憶壯遊

題趙氏遺墨卷

兩翁詩筆載蒼珉題品盈編摠指紳
後裔珍藏流慶遠好脩家學繼前人

題吳貳尹畫

萬山深處結幽樓九十椿萱世所稀
此日還家秋正好桂花香裏戲斑衣

題陳貳尹竹卷和楊少師韻

新梢蠹：勢凌雲：骨稜：鏤錦紋書館相看同
歲晚清標應不愧前聞

偶成

景屬清和日漸長病軀新覺稍康強午寤睡醒無
餘事倚杖門前看插秧

題邵同知竹軒用周恂如和胡祭酒韻邵父

號梅菴

阿翁雅志抗浮俗冰雪皚：映香玉令子傳芳復
尚竒煙雨蕭：散晴綠新梢舊節環層軒四時和

氣涵靈根願菴寄詩双崖扣相望不啻同琴尊嗟
予病卧郡城遠竹徑無人破莓蘚敲門索和竹軒
句老懶遲：求轉：古來作善多嘉祥武公姓謚
今猶香好書淇澳列軒壁尖葉傳看歲月長

寄外孫錢昕

病間得汝書授官廣西道此道我曾任事簡刑名
少書云職雖盡求我垂教真蘭臺地高雄御史任
非小豸角蠹我冠風動百僚表汝家素溫富汝年
正英竒溫富易驕靡年妙多輕寔存心須仁恕待
人戒猜傲法律未易明夙夜勤研討我孫汝表兄

出入須相保過失要相規
難疑當相曉親情能始
終勝結他人好我年垂六
耋迩來病纏繞無賴無
外慕事至能了日思見孫
面心烏怒如擣緘詩
示倦勿曰我言老

五君詠

有序

宋顏延之作五君詠蓋詠阮步兵嵇中散
等延之時甫六十故克裕意鍊辭以永昔
五君於汗簡今我年踰六耋筆硯久絕安
能壽今五君即今之五君起司馬廩楚終
通政謝澤指生取義同于中散况予于楚

等諮詢評證論訂諗詰頗得其實後人倘
略文尚實則今五君未必不繇予言而傳
歟

兵部尚書廩楚

楚與吏部尚書王直等力言不當親出拒而弗納楚因掌

兵部復叩首泣諫扈從隨出

姦腐脅鑿輿躬出擣胡寇力諫當命將扣地血
濡首虜兵犯行宮奮擊死于闕貞績照汗青德
慶覃華胄

戶部尚書王佐

翠華逐胡或尔也典張糗翠華被苗拘尔乃死

賊手尔死無所愧馳澤蔭尔後同時捐軀士我遠
弗可究

副都御史鄧榮

予昔官廣西道榮來覲以予
與陳鼎同狀呈堂保其才器

清慎老成都院
具奏即授御史

榮昔我保任榮行最清若扈從出擊胡敗旋到關
下叶音問知 駕在北急往死 君所天祚忠孝
門庭評世蕃組

工部侍郎王永和

永和在崑學娟、少俊姿延我到學中和來問書
詩積官貳司空隨征没于師諸兒列膺仕崑邑增

光輝

通政使謝澤

澤也名菴姓清白素所安催糧到吾鄉貪吏莫敢
干陞職守邊隘失守被賊殘客來偶譚及竊獨仰
屋歎

晦翁云行師之要不謀必無成不懼必敗
又云用人當取其長老病中聞澤死有感
因獨切歎云

崑山有林鄭君挽詩

昔年分教醫垣日君正清強我已衰南北馳驅成

別久悠、雲樹動遐思

衰殘得請卧田里百里懷君會面艱此日忽傳哀
訃至拋書東望泪潸然

昨聞令子掇高科書道君家積慶多 盛世祇今
多雨露佇看貶爵貴品阿

寄南京宗伯儀公

病間聞吾友晉任尚書職隨聞失佳耦悲喜何交
集久缺致書問寸心恒戚、緬懷有恒齋歲遠成
陳迹少師積深厚吾友稟忠實愧吾非故吾因坐
如龜息爨綿布二端出自家園織望付諸子姓祥

禪助膳炙後會無復期臨書重於邑短意申微忱
好继先公德

蘭蕙操為陳得中賦

倚蘭之莖、兮倚蕙之莪、兮吾兄弟之雅、兮
倚蘭之莖、兮倚蕙之第、兮吾兄弟之秩、兮
草之異根同香氣兮人之同胞終不可有異兮

蘭竹棘圖辭

幽德之馨直節之風天、棘心乃剛其中吁豈非
合而不流和而不同者耶

滿江紅送余侍講告病歸南康

歸去來兮家何在匡廬山麓對萬頃平湖數間茅
屋昔日登科年止少玉堂應制誇神速二十年朝
夕迹清光當知足。嗚漸脫頭漸禿不如尋箇閒
局惟憇閒歸心遲。難促此日登舟歸去也到家
正值松醪熟酒醒贖把萬卷詩書教孫讀


思菴先生文集卷之二

思菴先生文集卷之三

序

吳氏譜圖序

吳氏之先出自姬姓百周大王長子泰伯同弟仲
雍采藥荆蠻遜國與弟季歷荆蠻之人義而歸焉
遂端委臨之自稱句吳泰伯卒無子弟仲雍立仲
雍卒子孫達立孫達卒子周章立當是時季歷之
孫武王發克商天下大定乃求泰伯仲雍後得周
章于吳君國已久遂因而封之列為諸侯世有其
土自泰伯而下凡二十五傳至夫差始失其國子



孫乃散四方以國為氏常歎去吳城百里為吳屬
邑先君子嘗言吾家世居是邑元入中國邑里被
兵宗族星散譜牒亡失吾曾大父誠菴府君報閩
子立始自邑城東隅遷居文學橋子游卷言公故
宅之側以至於今自是而上不可得而詳矣訥佩
遺訓訪尋舊譜終莫能得嘗聞耆叟蘇先生之為
族譜也斷自高祖諱斬為始其言曰高祖之上不
可詳矣自吾之前而吾莫之知焉蓋已矣自吾之
後而莫之知焉則從吾譜而益廣之可以至於無
窮于是竊取其意參以歐陽文忠公譜法斷其所

知自高祖誠菴府君為始列為譜圖以紀世系凡
配偶卒葬隱顯事迹悉依歐譜具載于後仍倣蘇
氏著為後錄二篇蓋欲後人觀感取法以盡孝悌
之道焉若夫充廣增輯謹守力行則後人各當自
勉而實予之深望也嗚呼敬哉永樂丁亥八月癸
未朔謹序

王氏宗譜後序

古昔聖人別生分類有姓氏之制三代盛時生則
閭居死則族葬故昭穆有序而百姓親睦姬轍既
東九兩之法廢井田之制易所謂姓氏者又混淆

莫辨斯氏于是散無所繫漢晉間有氏族書至隋
唐又廢雖世家著姓亦莫知其所自出族屬之間
至有相視若塗人者仁人君子每竊疚心焉宋少
師廬陵歐陽公眉山明允蘇氏各立族譜製為序
引以示子孫近世之士乃得有所取法予友江寧
令稽陰王君處善慨宗枝之繇漫無所紀乃自七
世祖以下斷其所可知者著為宗譜生沒有日宅
葬有所出處配偶因不明備處善之心可謂勤矣
間持示予且徵言題識予聞王氏藉饒世族著于
浙左斯譜之作子孫世守其於昭穆尊卑之序必
能秩然不紊也無疑矣雖然昔者吾鄉先正范公
有曰吾宗族甚衆吾祖宗視之無親疎則凡飢寒
者吾安得不卹之也王氏族人載名是譜者誠能
三復斯言將見孝義之心油然而生其于親睦之
道無不盡矣豈但昭穆有序而已

嚴氏族譜序

予友大理寺正嚴志道氏本歐蘇二先生譜法輯
成族譜自為序引首載得姓受氏之源以重其始
後以辨昭穆別親疎崇孝弟篤倫紀四者屬望後
裔信寫為帙來徵予言予惟古昔氏族史官所記

周小史定世系辨昭穆有世本錄漢魏以降官有
世胄諱有世官迨隋唐後此制遂泯士大夫家自
為諱狀多扳援誣冒而昭穆紊矣今志道以舊諱
散逸斷自高祖為始後之子孫循例書之何昭穆
親疎莫辨哉惟崇孝弟篤倫紀非賢子孫莫能盡
焉蓋倫紀者君臣父子夫婦之三綱諸父昆弟族
人諸舅師長朋友之六紀也欲盡其道何莫非孝
弟之推歟昔歐蘇先生造諱距今四百年習俗日
偷不待服盡相視途人者比三秋矣甚則勅僕侮
闕靡所不至雖惰諱牒不過欲眩人夸其門戶烏

知倫紀當厚哉宜志道以是為慮也雖狀父祖於
其子孫靡不愛之慮之其愛之深則願其為賢智
為君子其慮之遠則恐其為愚惡不肖故愛之深
則慮之遠慮之遠不自知其言之至也嚴氏子孫
誠能三復序言為賢智為君子而不淪于愚惡不
肖之歸則夫崇孝弟篤倫紀皆日用當行之務又
何不能盡哉予与志道親且舊於其請因推其意
告其後人若見先府君墓碑者不噴告云

漁梁徐氏族譜序

漁梁徐氏族譜者吾邑徐敏林氏之所輯也徐羸

姓商出伯益之後世望東海今日漁梁者敏孫本
其所知与其所居而言也漁梁去海虞邑城西舍
而遠昔元盛時敏孫曾大父恢祖自邑之邵舍墅
始遷于此至敏孫四世矣子孫餘衍族日以火敏
孫思後人昧水木岑源之自乃岑歐陽子譜法輯
為是譜止菴翰拱琴軒通政序之詳矣敏孫以予
有姻舊之好復命冢子慎持求予言嗚呼是不既
備乎哉雖狀昔者嘗聞之人之有姓揆厥所自莫
匪聖賢之胄自周道衰五宗九兩之法廢由是散
無所繫隋唐以前猶或家有譜牒官有譜狀婚姻

選舉互為考證而凡子孫亦得有所憑藉而世系
不失唐亡其法復廢故雖名家右族亦莫知所自
出宋至和中歐蘇二先生始各立譜以盡尊祖故
族之意自時厥後凡稱士夫者罔不於是取法狀
求其能識夫先正立譜之意以盡孝弟之實者蓋
鮮矣嗚呼譜者所以載先德明世系其要在後人
謹繼承隆孝弟以無忝世德為務匪徒設為觀美
之具而已故文忠公譜序曰傳于家者以忠孝君
以孝事親以廉為仕以學立身者泉譜記曰規吾
譜者孝弟之心油然而生凡在譜者死必赴冠娶

必告少而孤則老者字之貧而無歸則富者收之
二先生之言豈為觀美之具而已哉敏并敦奉行
誼聞于邑里往歲嘗扁所居曰積善復輯古今累
世同居者曰同居集今又纂脩是譜其望乎後人
至矣予故剽取二先生之言冠于譜首以為徐氏
子孫勸且使夫鄉之人徒脩譜牒而不克盡孝弟
之實者聞之亦必內愧而改行也

分置李氏族譜序

世之孫姓受氏孰非神明之胄故凡立譜者必先
考其得姓之始以重其本又必詳其支派之分以

謹其承狀歷世既遠又豈能一一而著明哉予致
以家居邑貳令江西李子廉氏手其族譜謁文弁
其首受而閱之自學士李公時勉而下題叙甚詳
予固以衰眊辭彘令懇懇勤勤兩載之間斷請不
止今年九載秩滿瀕行復申前說予不得辭按氏
族書李出自高陽氏有才子庭堅為堯大理以官
命族為理氏其後理徵避難得全遂改氏李數傳
至周有李乾娶益壽氏生子自字伯陽為柱下史
是為老子伯陽之子宗為魏將生泰將軍注生
御史大夫曇字貴遠曇生二子崇璣分為二族崇

之族為隴西璣之族為趙郡既而似胤日盛趙郡
分為六房隴西分為十三房自時厥後唐有海宇
而隴西之族以房計者至于四十有一而中有出
賜姓者為江右分宜之族蓋出隴西始于西平王
晟之子憲任官于袁子孫因居境內迄今已歷二
十餘世今貳令重脩是譜首載西平墓碑繼以各
派因系蓋欲族人景仰先德而思繼述于無窮也
其用心亦勤矣雖杜先正有云脩譜易脩身難蓋
譜或不脩尚可追考增輯身一不脩則辱身玷先
萬事瓦裂雖稱神明之裔復何補哉李氏族人登

名是譜者誠能脩身謹行宣昭令聞處于家則循
禮樂善而不失乎義出而仕則守廉秉法而不離
夫道則庶無忝先世之德而亦不負貳令今日脩
譜之心也昔宋曾文定公輩以雄文碩學冠冕一
時歐陽文忠公尚謂其所叙曾氏得姓不真况其
他乎庸以是復諸貳令：佐邑九載惠愛在人
尚宜益慎脩身以綿善慶之澤于無窮也欽

張氏族譜序

予友張君運生既沒之五年其孤張奉其父存日
所著族譜丐言弁其首憶予曩歲讀書田里与吾

運生談論道藝為最久間嘗語及譜牒運生恆狀
曰吾家得姓始自黃帝之孫為弓正因以張為氏
先君子元季繇溫之平易遊學來吳遂居是邑先
君子弃諸孤日某始垂髫故大父而上名字隱顯
率因聞知嘗讀史傳吾宗自受姓代有聞人若苗
侯之輔漢釋之。治獄安世之七葉珥貂文紀之
埋輪都道以至復唐黜武死節睢陽与夫近世橫
渠南軒之道學德業是皆他姓所未有者吾豈不
能扳附援引以誇耀流俗哉狀吾聞之譜所以叙
世次辨昭穆有而失書謂之忽無而冒書謂之誣

吾豈敢上誣吾先哉吾自有知即訪舊鄉宗譜狀
族人多為方氏殘毀遷播弗存苟終無所得則當
錄吾先君子為始祖以示子孫俾嗣書而已予每
聞其言未嘗不歎其識見之卓而亦憫其志之可
悲也豈意吾運生竟齋斯志而沒乎運生之先君
子則明先生洪武初以易經中第官至臨江府同
知運生嘗求予序其遺文曰永嘉集者行于世運
生隱居教授年逾六十考終于家今張又克嗣先
世開門授徒為後進楷式詩書禮義之澤奕世弗
替豈不深可尚哉雖狀昔者豫章太史黃先生嘗

題其族兄成之族譜有曰名塞四海世有人諸兒
莫斷讀書種又曰曾次詩書要不忘男兒邂逅起
耕釣予于運生實斯父異姓昆弟庸謹書其平昔
之言以及太史之語冠于譜首張氏子孫尚允念哉

閩中王氏族譜序

吾郡通判王儀孟威手其所脩族譜謁予求題閱
其譜則以元初統兵能賢為始統兵生高祖潤之
潤之生元貞縣尉允中尉生火考靈臺邑丞導道
永生庸即儀之考君也至儀為六世予於是知通
判才識超出恒眾人矣夫自古昔聖人因生賜姓

昨之士而命之氏厥後受姓氏者不一推原其始
孰非神明之胄哉世變既夥氏族之書掌于官者
已亡士夫君子乃家自為譜以紀世系其于葛倫
紀崇孝弟之意至矣奈何士習日卑膚淺小子扳
援前代名卿碩士竊以己之宗祖為其孫子殊不
思無實而妄書謂之誣有實而弗書謂之忽其為
不考均矣昔者考亭先生叙朱氏世譜有曰唐天
祐中陶雅刺歙以吾始祖茶院制置府君領兵戍
之卒葬連同子孫因家焉夫以先生之德之學而
其譜以唐末茶院為始者重其實也通判之始祖

能賢之成閩中實宋寧宗嘉泰十五年蒙古太祖
鐵木真命木華黎徇金地得入閩中而命兵據守
之日也距今二百載以世數計之至儀為六世得
其實矣通判又言吾鄉前脩彫謝知脩譜者甚鮮
嗚呼傳不云乎一家仁一國興仁閩中古雍州地
地火人眾王氏譜成非獨子姓族屬興起崇孝弟
篤倫紀之心而凡御黨遠近聞之必來取法將見
閩中民俗繇是而日厚矣予耄眊杜門待盡感通
府請之勤乃力疾書于其譜之端
思菴先生文粹卷之三



思菴先生文粹卷之四

序

靜學齋集序

靜學齋集者故承德郎太醫院判贈奉議大夫太
醫院使謚恭靖蔣先生之所作其胤子院判主善
之所輯也先生之先以儒醫鳴父櫟軒以春秋擢
進士第歷官南北先生夙侍嚴訓六歲能賦詩年
十五失怙奉母結屋龍潭山中劬躬績學力負以
為養母沒年踰四十始應儒醫薦擢職醫院公退
手不釋卷魁人鉅公過從倡和無虛日一時稱文



章家者為及先生而先生不自以為至也嘗曰古
者為學以德為主其形于言詞皆涵煦和順之藪
後人唯以葩藻為務奔放則和平弗足雕琢則靡
麗過度若澀俚誕塵冗淺促率由德之弗足狀尔
故先生之作本之以德性藝之以問學清而弗刻
逸而弗肆出言不煩而典寄深遠至今士林靡不
喜聞而樂誦之也某也蚤居田里晚幸親依獲聞
德輔之論易箒之際重以該事見屬故今主善之
輯是編因以序文為請嗚呼某之蕪陋豈足以知
先生而先生之所至亦豈專在文詞哉先生際逢

盛時昭受寵眷始終垂三十載既沒有贈謚之
誥諭祭之文又有學士大夫碑傳哀挽其于焯德
昭行至矣欲知先生者尚其攷諸

分題送別詩序


永樂癸卯春正月劉君原博受尊翁院判公命自
今京師還南都省其母夫人靜學蔣先生分題賦
詩贈其行曰金墓古蹟曰董園遺址曰武城弦歌
曰尼山秀色曰歌風古刻曰鍾山瑞氣凡六題先
生之言曰予家金陵鍾山東鍾山龍蟠氣鬱葱
蔥實國朝億萬年肇基之地昔嘗乘驛舟渡江

絕淮登泗亭觀歌風碑詞翰奇邃激烈真所謂王
侯之章者暨入濟水遠瞻尼邱山紫翠秀出霄漢
表吾夫子功德被萬世斯安啓聖之徵越數日過
武城下想當時弦誦之聲莞尔之笑益使人寤寐
千載有不能已者已而道出廣川父老告以漢董
生墓園尚在尤不勝仰止迨入都城公務餘考園
徑惟黃金招賢甚至今名最著原博善詩嗜學必
有同予之情者予以是書于首簡予惟昔人行役
有紀行之篇近時送別有分題之贈卷中諸題率
雄偉特絕誠天壤間奇觀惟董園遺址鞠在荒郊

灌莽中嘗味其言論蓋其德性醇厚學有淵源故
坑焚後獨首發性理之秘推明斯道大原所出不
謀計功利之私當時曲學阿世与溺志詞章者詎
可同日語先生取配尼山武城並稱在原博誠當
察識而勉焉者也若夫則先生之所贈原博之受
所贈不虛矣詩自先生而下賦者六人昔三百篇
中有姬公之詩其序則儒者謂卜商所作予不佞
詠先生之教不可辭敢備取斯義以為序

蒿菴詩卷後序

伊蒿者蔽志道之自號其曰蒿菴者又其齋扁之



原件短缺

名也志道家蘇郡崑山後徙常之江陰以二親弗
逮養剝蓼教詩人語以自貶自責以自寓深悲極
慕之情卷中記若序則洪武庚戌進士泉州別駕
馬英德華江陰教諭未逢掖拜服所撰長歌及銘
則國初進士侍儀使周槃仲方今山東參知政事
段民時舉之徽也德華仲方永樂初治水蘇常間
拜服典教席時舉登第後待次皆與志道為文字
友狀寔志道未仕時也卷後翰林張先生宗海跋
暨名士諸詩雖非作于一時狀皆志道已仕後也
志道彙粹廿載聯成巨軸屬序其後抑嘗現世之

好事者多揭美名以扁居室善文詞者率為靡麗
之語以張之迨其子若孫則有視同弁髦資為清
玩者焉卷中諸作散教規勉有闕世教志道清脩
勤慎移孝為忠自秋官主事遷正理寺操履之潔
形於宸章馳封二親光肯泉壤仲方所謂取封
贈營幽宮德華所謂循槩度以大門闕者驗之矣
至若拜服所謂不孝不友當深惡痛絕之時舉謂
世人親存不能愛敬視之禽獸弗若宗海為勉脩
人紀為後日之聞人者此固志道所能戒而寔後
人所當知也志道有子肅雅顯孫曾繩：予自布

承托交三十年志道年踰六袞予亦日就衰朽故
特序此卷末庶其後人寶之重之弗致視同弁髦
清玩而已

永嘉集序

海虞自言孫氏北游聖門名著四科故代稱爲文
學里元至正中永嘉張先生暨昆陽鉅儒鄭東季
明鄭采李亮避地來居同以經術文詞鳴于是吾
邑文學益盛于一時矣 天朝底定九有洪武庚戌
肇設科舉以取士時二鄭旣沒先生以易經起家
與邑人鄒立誠九思黃著昭夫唐溥彥博偕中鄉

闡而先生名在前列授膚施令陞臨江別駕以終
予生後弗克親接儲論蚤歲即交先生胤子規運
生得規遺藁而私泚之先生之學根柢六經旁及
子史羣書故理明氣昌爲文行徐曲折或約或豐
而動合矩度至其發於詩亦克備兼衆體或雅
贍而春容或流麗而俊逸賦景寫景曲盡其妙故
予每獲誦之未嘗不深歎而敬服也今年祇命
出按江浙運生彙次成集屬爲序引憶昔讀書田
里嘗訪鄉之前言往行庸致景仰之私若鄭之昆
季及鄒黃唐氏家多泯絕無聞獨先生克有賢子

保藏遺稿自非積德之深詎能狀哉先生之沒運
生時始垂髫迨今年踰六袞隱居教授子孫說
世守先業故予重其請輒叙卷端使讀者既知先
生之學之微而又知其德澤有以垂裕厥後也先
生名著字則明履歷之詳具載同年進士廬陵周
槩仲方所為傳茲弗贅

壽慶堂詩序

宣德丁未秋予分按江浙道往鄉郡過姻戚秦氏
玉齋翁扈眉皓首率子孫迎入會其胤公遠以二
親偕老葉堂所居之東以為娛侍之所予乃為名

曰壽慶鄉先生翰林張公為之記大夫士多為歌
詩美之公遠復以序為請嗚呼壽者五福之首人
所同欲慶則積善之應也若昔君子之制祝辭既
曰黃耆無疆又必曰受天之慶者蓋以生人之克
壽寔繇天錫之慶而然夫天之于人豈不欲其皆
躋壽域哉惟其智愚弗同故有措于形氣誘于物
欲以表其固有之善凡飲食男女衣服宮室之類
所資以養其生者反皆有以戕其生繇是自絕于
天則所謂壽慶者遂為短折之歸尔今吾玉齋翁
偕其伉儷年並大耋子婦孫甥羅侍膝下謂非積

善之慶能狀乎是宜大夫君子聞而形于歌詠也
雖狀壽錫于天善積于己公遠昆季誠能力奉為
善益綿先世之澤將見天錫壽慶者益遠益隆斯
堂之上子：孫：孝奉其親者必能世引之而弗
替矣公遠內子予之女弟故特為推原壽慶之本
以并卷端

送侍誨學士沈公還華亭序

皇帝紹膺景命作億兆主踰年改元肇奉告始之
典以昭事 郊廟懷柔百神禮成式覃大慶于天
下羣臣在廷者悉馳封爵以榮 其親侍誨學士

沈公度得贈其考為奉直大夫協正庶尹翰林侍
誨學士妣為宜人復賜楮幣給驛舟俾歸華亭致
焚黃之禮予惟德厚者其流澤廣公先君子若節
先生砥行迪德雖艱窶播一以忠孝自勵故雖
不躬榮祿而後人卒食其報迺今 龍光寵賁所
以發敷潛德者為何如哉雖狀予竊有感焉華亭
東南沃壤當元末造以武斷奢靡雄于鄉者殆不
可一二數狀其後率多泯。無聞今公父子昆季
克柔遺德並列華要榮捧 倫侍歸祀邱壠鄉邦
父老豈無觀感興起以改行樹德而子弟中又豈

無爭相剗劇績學以圖顯教于其親者乎是則公
之歸非獨鄉邦之榮而亦父老子弟改行績學之
勸也予世家東南與華亭岳迹公歸有來謁者幸
以予文眎之

贈脩撰王君孟堅序

予曩因鄉友楊君孟舒獲交孟堅王君于京師孟
堅年甫壯以國子上舍中甲科擢翰林國史編脩
官端慎凝重予每見之未嘗不愧且敬也後數年
孟堅陞行在脩撰而予旅食于茲甌閩拙弗諧
于人孟堅復不鄙而益相過從焉今年孟堅領

敕命封贈二親且荐受金幣賜告歸省由是交孟
堅者莫不榮其歸而重其別也予惟隆古之世君
臣同德上以禮待其下以義事其上禮義之至
薰為太和我國家稽古圖治推恩幽顯所以章
賢德廣褒勸者至矣孟堅夙表所天賴慈親撫教
式克至于今日今茲歸也榮捧倫序告祀邱壠
山川草木罔不賁若於是烹鮮擊肥躬率婦子捧
觴稱壽太安人冠帔雍容晏坐堂上子姓族屬暨
鄉閭父兄弟更拜送賀予知孟堅愛日之情倚
旁之樂為何如哉雖狀予竊有望焉方今

聖皇嗣統當盈成之運制治保邦興教崇化政賴
端慎凝重之賢以輔之是則孟堅之歸固不宜遲
遲而未也予旣憐腐拙雖弗諧于人。然于孟堅
別不可無言也于是乎書

送金事商君之官浙憲序

聖朝疆理之廣超軼古昔自西京歲輔外肇置十
有四道。設都司布政司以綜轄衛所郡邑復慮
其弗克祇承。德意而為軍民病也又立憲司以
監臨之凡軍民衆職之中有戾法而病衆者大則
許其糾聞小則聽其裁斷故其任最重而人以為

榮焉歲之十月湖廣道監察御史商君監九載考
最陞金浙江按察司事寅友四明劉惟芳等相率
祖餞屬為文以贈予惟商君古舒望族蚤歲從游
庠序克首成均其積學有素矣暨任六察巡行山
東湖湘間渾著能事其諳練又有素矣今焉出金
浙憲其克宣布。德威以盡厥職也必矣雖秋浙
江東南大藩地方幾千里統郡十衛所二十驛官
驛稅諸司又不啻數百官吏賢否寧能盡察乎帶
甲數萬士農工商生齒又不啻百萬口休戚利病
寧能盡卸乎儉和舞文豪強梗化又豈能盡去之

乎司之同官有正有佐有幕僚性行識見又豈無
牴牾異同者乎商君往焉誠能推平昔所聞於師
友者致之為式戒式慎廉以律乎已誠以待乎人
持之以至公行之以無忌將見同寅協恭百士欽
迹數千里軍民咸得欣之安業以樂太平之盛若
狀則僚友之間豈不與有榮乎予與商君有交承
之好又重惟芳之請故不辭而取古人贈言之義
以為序

送袁孝友之官浙江序

國朝建官制治文武並用以維持內外教寧北庶
故畿甸之外肇置十有四道。設都指揮司以綜
轄衛所夕城陰隘負山傍海之地衛若所帥兵守
圍以鎮之凡朝廷號令文移與夫軍馬器械糧
餉刑獄之務都司悉提其綱董其成故其任至重
而資文儒以贊其畫諾為豎考袁君孝友由冬官
郎中調浙江都司經歷鄉邑宦遊士友咸以孝友
蚤失所怙克躬積學故能得雋鄉闈出替大邑
已而擢佐冬官陞長郎署教歷中外者有年矣今
為出典戎幕寧無介狀于中耶予獨以為不佞夫
儒者之學以明体適用為主本其未用也則脩德

砥行以績其學其既用也則隨所任以行其學曷
計秩之崇痺職之內外哉昔唐韋處厚自考功郎
出刺盛山人皆謂考功顯曹盛山僻郡為非所宜
昌黎韓子獨以為得利則躍。以喜不利則戚。
以泣者豈儒者哉處厚儒者豈不快于考功盛山
一出入息之間哉其後處厚果自盛山召入卒為
宰相以功業顯著方今

聖明統御信賞必罰浙江大藩為東南都會豈盛
山小邑可假哉孝友誠能以昌黎之言自勉以處
厚之功業自期恭以事其長仁以接其下守之以

廉持之以誠將見主賓相得志意交孚俾一道教
寧軍民一業他日政成還朝揚芳邁烈行見之矣

贈邑令李復春之官寧海序

聖天子紹隆景運作億兆主重惟安民之道莫切
守令 制詔臣僚各舉所知以膺斯任吾郡李復
春氏起自謫籍擢知台郡寧海縣將之官鄉郡宦
遊君子徵言為贈予惟天生庶民作之君師以受
教養之寄守令者受 上之命以分其寄也守得
其人則一郡受其福令非其人則一邑受其殃蓋
令與民尤近也昔者韓昌黎先生贈崔復州有曰

幽遠小民能自直于御里之長者鮮矣况能自直
于縣吏乎柳子厚送薛存義令零陵引備于人受
若直急若事又盜若貨財者為比為戒迨今照耀
簡冊而復州存義之名耿々弗泯近世士習弗古
凡贈行叙別率皆揚其材能張其履歷銜其門地
以求詩耀于庸人孺子視古昔贈言之義何如哉
况復春材識之明諳練之久予寧不以古人之道
望之哉故特推奉

皇家擇賢以寄教養與夫先正之言以為復春贈
復春勉乎哉他日浙河之東聞治邑以循良稱者

其在復春乎其在復春乎

贈江陰邑令朱君應祖序

予嘗讀漢史至朱邑傳觀其作吏桐鄉生則民愛
戴之沒則民奉祀之真若赤子之于父母迄久而
心弗少變是果何倚何為而致狀哉亦惟克盡其
誠而已吁何後之為吏者弗能若是耶予鄉之北
有邑曰江陰土田沃衍民俗淳樸蓋自昔然已十
數年來日益偷薄富者弗安其有負弱者無遂其
生是雖氣習弗古若六絲長民者弗能盡誠以治
之也歲之二月予侍 朝退寓直廬適銓曹揭送

榜於鳳閣之左獲觀朱君應祖擢知江陰縣事
予舊識朱君知其久歷風憲寔老成篤厚君子予
于是心喜鄰邑之得賢令也越翼日朱君做裝扁
行寺正嚴志道求文以贈傳曰君子之德風小人
之德草今之人豈異古之人哉朱君往矣苟能竭
盡其誠抑其強扶其弱廉勤以自持慈愛以撫下
將見江陰之民富者安貧者遂其仰慕之心豈異
赤子之于父母哉又豈有異桐鄉之于朱邑哉朱
君往矣政声之來洗耳以聽

送本初周君謝事歸吳序

聖天子紹膺景命祇率舊章凡中外臣僚年七十
者許致其事其年未及者以疾告者亦憫勞以政
而聽其歸 恩至渥也歲之九月文思院使周君
本初以老病得請南還循紳之士合詩歌為贈而
以首簡見授予竊惟士生兩間砥行礪學當強盛
時孰不欲出為世用以展其蘊哉迨夫血氣既衰
疾疢日凌又孰不欲歸老以就休息哉秋世之得
是者恒鮮矣本初自踰冠舉于鄉歷官中外奉使
遐壤險夷荐更者垂四十年迺今年踰六十克遂
休老優游而歸無愧無作其樂何如哉昔人謂中

世士大夫以官為家罷則無所為歸本初家在中
吳其歸也有室以居有田以養有子孫以給順使
起居無時惟適之安其樂又何如哉雖執古者坐
閭塾朝夕教子弟曰父師少師者率皆仕為而已
者為之中吳稱文獻之邦蓋自昔狀已比年父兄
子弟蓋有弗教而弗學者焉岑初之歸誠能推乎
昔砥礪其躬者以泚之俾後生小子薰蒸而成就
則人材輩出足為 邦家之光者行見之矣岑初
過吳城訪文獻尤先生幸為我謝焉

贈司副鄭雅言序

宣德初元秋余友行人司副鄭君雅言承 恩歸
省先墓明年二月取道錢塘買舟還京師予時按
部江浙相會于分院中雅言以予相知有素也徵
言為別予聞雅言代以儒名于鄭先君子安分先
生由邑庠司訓陞教藩邸秉德持義一介弗苟取
身沒之日家無苗貲諸孤斃 唯雅言最幼已而
伯兄叨受教養雅言即自砥礪甫冠開門授徒夜
則篝燈自課如是者幾載遂擢上第拜中書舍人
伯兄亦起身宵監陞長祠曹金輝玉映馳爵先世
繇是知先生者莫不以為天道可徵而儒者有後

矣雖狀天道難謀莫可得而致必使雍言當孤寔
時弗克自砥礪一為流俗所誘其不失身為商賈
賤藝者幾希矣故予于雍言之別特書是為贈者
蓋非獨使人知吾雍言克繼先德而又欲使世之
為人後者讀予文知所自礪也若夫恪圖報稱以
盡顯揚之實雍言其必有以自勉也夫

送郎中王公暉越序

稽陰王氏世以善慶覆燾厥胤迨宋平章軍國重
事爚以清德勁節致位宰相自後衣冠蟬聯族屬
益繇碩入我 國朝克繩祖武榮躋臚仕若刑部

郎中處善公者亦可謂無忝厥宗焉初公之先處
士隱居新昌不求聞達唯以善自飭公夙承嚴訓
績學庠序既克貢成均材器益宏廓自是出掌戎
幕入令赤縣雖剝治繇劇日不暇給而心中倦
日恒以善自勵已而因事註誤凡知公者因不為
之咨嗟歎惜未幾晉膺 恩寵陞長郎署繇是知
公者又莫不為之欣躍而益信夫天之克祐善人
也茲為榮受 倫誥贈其先處士曰奉議大夫刑
部郎中妣曰宜人復賜金幣歸營焚黃之禮 龍
光下燭山川草木罔不賁若繇是知公者又莫不

惜：歎賞以為善慶之卒食其報也昔有人云公
侯之子孫必復其始憶予曩歲嘗題王氏族譜知
其積累非一世即中公敦厚老成際遇 盛時致
身通顯誠能益加砥慎以綿善慶之澤則他日晉
陞爵秩以貤封先世者弗至于孤卿弗止

送謝仲康之官大蠻序

予友謝君仲康由監察御史調大蠻縣令大蠻為
交趾屬邑去京師踰萬里仲康趣裝而行告別于
僚友曰

聖明統御凡日月所照之地罔不浹被声教瑤蠻

撥科第即歷官于朝恒懼弗克諳歷世故以隨職
業茲承 恩命敢不夙夜脩省以勉圖報補聞者
無不韙其言而嘉其志也予惟古今雋偉翹特之
才天恒抑沮頓挫之俾其動心思性增益所未能
者匪有他哉蓋欲老其材廓其器以為大任之地
尔不覩金之出于鑛也非煉之鍛之淬之礪之無
以成其良玉之益夫璞也非追鑿之雕琢之又曷
能就其美哉故考亭朱子有云福澤奉于我而使
吾為善也輕憂患拂于我而使吾為善也力仲康
蚤遊庠序甫冠即衰狀為鄉闈舉首服膺朱子之

教有年矣宜其出官萬里而言之若是也仲廉往
矣昔宋元城劉先生垂老居瘴海而神觀愈強况
今風氣丕變雖窮山僻島與中州等仲廉往矣慎
調攝謹思慮挹江山之秀以恢廓其心志他日政
成還朝揚芳邁烈表為若良金美玉者舍仲廉
其誰歸

送許有敬歸宜興序

許為宜興著姓入國朝有曰有謙者讀書序
有聲場屋間釋褐授官散歷華要居西京凡幾載
其井氏曰有敬者歲未省兄必一二至必留幾

月聯床笑語怡愉大夫士見之未嘗不羨其
天倫之樂也迨後有謙坐累解職有敬服勤奉事
雖艱閔奔播由足側弗捨去者又幾載士大夫聞
之益羨有敬之賢而幸有謙之有弟也今年春有
謙起自謫籍拜監察御史歲之五月命有敬南歸
展祀邱壠僚友相與徵言為贈嗚呼大道之行天
下為公富貴相同患難相共者朋友皆狀況兄弟
乎狀嘗讀葛藟之詩有終遠兄弟之歎杖杜之詩
有獨行踽踽之怨以文武咸康之後流俗至于如
此况後世乎是則今日有謙兄弟之行大夫士寧

不喜聞而樂道哉雖狀予家中吳有謙家毘陵相
去無十舍遠寔三讓遜迹之邦季子食采之邑流
風餘韻豈無存者有敬之歸鄉邑子弟寧無觀感
興起而益敦友悌之行者乎詩曰兄弟既翕和樂
且耽又曰凡今之人莫如兄弟有敬歸有來謁者
宜以是告之

何子文字序

宋北山何先生傳考亭之學于勉齋黃氏著書立
言有功聖道裔孫運使子文年幾七十而嗜學弗
倦間公祭酒胡公所製字說見視且徵予言嗚呼

是不既倫乎哉雖狀昔者嘗聞之文者道之顯也
日月之運行風霆之鼓動天之文也山岳之鎮峙
河海之融洩地之文也父子之親君臣之義夫婦
之別長幼朋友之序与信人之文也人父者聖人
盡之賢者明之天地由是以位萬物由是以育三
皇五帝之道統立乎世也夏商文武之治道成乎
此也仲尼顏魯思孟之道德得乎此也聖人既沒
其文具著六經是故原陰陽明卜筮易之文也叙
因革紀政事書之文也陳正變理情性詩之文也
討亂誅僭明道正誼春秋之文也辨上下之分通

天地之和禮與樂之文也是文也所謂為天地立
心為生民立命為萬世開太平者也聖賢既遠學
者徒攷：斲：專驚詞章記誦為文而文日弊焉
嗚呼斯文之在天壤間千古猶一日究其要不出
五典之教推其用則凡見乎威儀言辭形于禮樂
刑政者豈有外乎是文哉學者無志乎文則已苟
有志焉舍六經之文無以議為也運使君承文獻
之裔際時休明身致融顯而克勤好問老而彌篤
予也自強弗力學弗加進狀與君相知非一日故
不得辭而敬誦所聞以為後序

贈進士沈希哲序

宣德癸丑春三月 車駕在北京 廷賜進士得

狀元曹鼐而下凡百人悉 賜及第出身有差

恩至渥也蘇之常款儒生沈諱希哲程式以則同
日聯登高第予在南都聞之私竊賞歎以為御邑
之榮焉後數月希哲以書寄予陳述 德意且曰
近獲覲政春官公務清簡因得煇溫故業予聞之
又不覺深為之喜也夫自進士設科歷代循行已
久我 國家興國之廣環天下幾二千邑三歲賓
興多士雲合暨中春闈以入奉 天對者僅百人

而止今吾邑一舉而得進士二人其為鄉里之榮
為何如哉予喜觀歷代科名錄唯唐宋為盛求
其功名事業克著當時而傳後世者千百而一二
也原厥所自蓋由人之學識有限而職任無窮黼
黻皇猷雄辯大冊之當習也論思獻納嘉謨忠言
之當諫也禮樂制度所當攷刑以貢賦所當究民
情物理所當知以至錢穀甲兵營繕征役與夫遐
方外壤之沿革源委靡不各當探討其極是豈科
場之習所能盡哉古者名世之士既擢第得祿又
必攷一疏一潛心經史以深求其是非得失之故

一旦晉當大任則無施不達而名留後世矣方今

聖人在上勵精圖治希哲以英妙之年叨承

寵今茲觀政既獲日覲 虞廷親接 神化退又

得奉公卿大夫之賢者與聞施設注措之盛其克

變化舊習以充拓器識也必矣誠能弗自滿假益

親往史益廣學問夙夜求其所未至增益其所未

能則他日以成名立又何古人之不可及哉予與

希哲有鄉曲之舊弗克致愛助之意適故人子寶

慶通判連恭伯莊徵言為希哲贈予因舉是為告

希哲勉焉倘會程君望亦以是告之

送呂少卿序

大理貳卿呂君升常以年滿七十得請歸越西京士大夫多作詩文以餞之大篇短章聯卷累軸凡所以形容

聖天子惠待老臣之意與夫君之闕閱履歷靡不備載誠一時之盛事也予惟古今人同不同未可知自漢迄今幾二千載公卿庶士引年以歸者殆不可數計狀唯疏公仲翁楊公巨源耿、在人耳目何哉蓋由孟堅退之、女而傳也孟堅作史載仲翁德言寔足以垂誠萬世若退之、序則不過

引仲翁事以榮其婦尔狀巨源之名亦克藉是以傳者豈非立言之善而然歟今吾升常以列卿辭祿承恩歸老比于二公固不多讓然不知今日餞送之女有能如退之、垂世歟又不知他日太史氏克傳其事歟古今人同不同實未易知也雖狀仲翁之婦厥胤乃欲及其身存市田宅為後計巨源之沒其後嗣亦終無顯者今吾升常有子公愿蚤領鄉薦克繼家學若婦誠善教之俾家声益振而無墜者其在是歟其在是歟

贈司訓熊元符序

懷寧縣儒學司訓熊君元符故贈資善大夫都察院右都御史西澗先生之季子今行在都憲公之母弟也元符自幼漸濡父兄之教以治春秋有聲今年膺薦入京恩授前職將之官告別于兄之僚友且學焉焉異求忠告為助由是交都憲者因不偉元符之志而又喜公之有弟也相率為詩章贈之而以首簡見授予惟郡邑師儒之官人才風俗所繫其任為至重我國家初定九有即建學立師凡學之政既銓授教官以綜之復命郡邑得自辟舉訓導以分教之厥後其選益重凡舉訓職悉


上送官翰林程試合格而後 廷授以職今吾元符一舉獲中斯選是非夙承家學之懿其能狀乎元符往焉雖出寒瓊冷硯非澹泊弗能安毓才範俗非勤慎弗能稱世之職是者率多厭靜嗟卑羨榮慕侈以致名汙身辱得罪清議者有焉方今聖人在上用儒致治就今贈言諸君子觀之若大宗伯張公通政陳公太常魏公吏部余公率皆起自學職致身廊廟之上元符往矣固澹泊以自安篤勤慎以自勵他日揚芳邁烈豈可量哉元符勉焉

思菴先生文集卷之四

思菴先生文集卷之五

記

陳林親壠記



洪熙改元八月吾郡仲舉楊君過予言曰為家吳城先君子不幸弄諸孤賴吾母撫教成立洪武中伯氏隸兵籍遷武昌某奉母隨往母年九十終于寓舍道遠阨于負窶權厝江夏縣長樂村陳林楓香嘴官山之原山坐坤向艮距城東廿里岡巒環合風氣完厚長林清泉相与映帶中既為兆域四面執松竹數千百竿以蔭以庇歲時節序得以

灌薦少塞無涯之感今年承 召入京每登高引
領仰青天之寥廓見白雲之飄揚則練林岡壠未
嘗不歸狀苗狀于心目間也因請善繪者寫為圖
題曰練林親壠朝夕展視以寓無窮之思斬一言
記之予聞古者大司徒率俗之政曰族墳墓大
夫掌凡邱封之度使皆有地域以容仕者不出于
國死徙無出于鄉故居相親藏相望也後世之士
或仕或游或轉徙靡定霜露之感松楸之望寧無
動于中乎此仲舉親壠之圖所由作也雖狀予與
仲舉同家于吳元季兵燹後故家舊室流離顛沛

弗克奉其親保其墳墓者多矣仲舉宋功臣和王
後積慶有自兄弟奉母安居武昌克盡生事葬祭
之禮迄今仲舉榮膺鸚鵡薦行躋臨仕尚宜畢志一
慮移孝為忠他日榮領 誥敕歸展焚黃之祭
龍光灼赫所以發潛德輝泉壤者行見之矣

清心堂記

國朝輿地之廣環天下二千邑賦稅之入惟崑山
居衆邑之最故論蘇劇者率以崑山為稱首邑治
之後有堂方而虛明邑大夫退食之暇恒于是而
休息洪武中邑令魏侯紳名之曰清心邑人中書

舍人朱吉為書其扁永樂壬辰山陰馬侯文炯來
宰是邑踰年以通人和百廢具舉以斯堂未有記
也屬為記予惟心者一身主宰其体至明不昧然
一為外物所蔽則明者有時而昧矣况繇劇之邑
簿書之叢集獄訟之至至吏民期會賓使往來可
喜可怒可懼可愕紛綸糾纏輻輳輻輳凡所以盪
耳目而動情性者何可以數計貌狀一身宰制其
間苟不清其本源之地則眩瞶迷惑其所差繆復
何可勝計哉昔人論當官以清心省事為本名堂
之意其蓋有取于是歟雖欲清其心當務其要
苟無其要徒欲簡細故屏眾務無思無為以求所
謂清心省事之道將見中無所主而患生于所忽
矣往曰夙夜惟寅直哉惟清居是堂者誠能戒謹
恐懼敬以直內使心有主而無外物之汙則簿書
必清而無壅也獄市必清而無擾也訟清而民安
政清而民化凡所謂紛綸糾纏輻輳輻輳者又安
能撓吾方寸之清也哉引而達之擴而充之豈止
一邑之清而已

思誠堂記

暨陽陸君燬即其所居之東立祠堂三間以奉四

代神主中為四龕西第一龕奉高祖元廣東廉訪使莊簡公第二龕奉曾祖某官府君第三龕奉祖某官府君其東龕則奉其考君也月朔必謁有故必告俗節則獻以時食歲時則奉明薦因敢弗謹懼後人不知致敬而流于怠忽也復請中書朱君廷輝大書思誠二字以扁于中而求文以記予嘗聞之古之君子之為禮也大夫之家則祭于廟士庶人則祭于寢而無所謂祠堂也祠堂始于漢不過即墓為之宋儒去墓而營于家此廟則不僭比寢則不襲可謂變而協諸義也若夫奉祭則尤致

謹焉故當其未祭必先恪恭齋戒思其居處思其笑語思其所嗜所好及祭必有見乎其位聞其容聲者誠之至也今燔之建家祠既遵朱子家禮又能揭名垂訓可謂知本乎雖然予又聞之古之君子當饗薦之際有稱之廟者自己之兄弟皆至焉有祖之廟者自父之昆弟子孫皆至焉有曾祖之廟者自祖昆弟子孫皆至焉有高祖之廟者自曾祖昆弟子孫皆至焉是為敦本合族之法誠能取法于茲至時祭之日皆會而合之于以隆本始于以盡親睦則庶得維持宗族之意而尊祖敦本

之誠不虛矣

思慎堂記

昔予友錢君有終德性峭直無依阿澆忍之態人有過輒面加譴讓狀亦能禮賢士而容受直言年五十有感蘧伯玉之語思欲歛華就實因以慎菴自號間徵記于予未有以復而有終遠拍館舍予聞之弗覺涕泗之零也今年予還自江浙有終之胤曰密克萬先志顏所居之堂曰思慎復以記為請於戲予尚可辭哉夫慎者抑畏而弗縱肆之謂往曰慎厥身脩思永夫欲脩其身以固久遠莫

切于慎是故言慎則有物行慎則有恒容慎則能莊志慎則能篤心慎則能存以至事君之忠事親之孝事長之敬与夫夫婦朋友之別与信何莫弗由於能慎乎古今之人雖貴賤弗倫未有不由慎而興弗慎而敗也故諸侯弗慎則無以保其國大夫弗慎則無以保其家士庶人弗慎則又何以保其身哉雖狀慎者聖賢教人之大要不獨慎乎所見所聞而欲慎乎弗覩弗聞也不獨慎乎顯見之際而欲慎乎微隱之際也昔而大父謙翁先生克精理性之學而翁蚤受庭訓讀朱子四書綱目皆

精切貫穿雖僅至終身齋志而沒流風餘韻沾溉
宗族子姓多矣山谷黃先生嘗曰人家門戶興衰
自是常事唯不可斷讀書種子尔誠能恪遵先訓
益加學問以謹其思以泚其身以教諸子弟俾無
墮詩書禮義之業則所謂慎者子孫必能敬
思無數矣

存省齋記

澄江嚴甫予友大理寺正嚴志道之胤子結屋斤
岸東取考亭朱子存養省察語互舉其要為扁命
介弟徵文以記予聞之不覺躍然曰

是乎昔子思子作中庸首云戒謹不睹恐懼不聞
继而曰隱微必慎其獨考亭釋之以為戒懼者全
天理慎獨者過人欲二者實存養省察之要甫其
能有志於是乎雖狀聖賢之學本乎身心其要不
出仁義禮智之固有其見諸事物雖極萬變亦未
有出于父子君臣夫婦長幼朋友之外也故能存
其心則五性得其養能省其身則五倫得其序此
存省所以為學之要也狀世之學者鮮克舉之
上焉者惟攻辭藻以譁世取寵下焉者則束書帶
觀徒竊美名以欺眩愚俗視聖賢身心之學為何

如哉肅果有志于是乎誠能實用其力凡勤勤之間隱微之際一以敬為主本事君則盡其忠事親則盡乎孝敬長則盡乎恭處閨門則盡乎和而義以至為父盡慈為兄盡友推至朋友鄉黨宗族無不各盡其道因俾一毫人欲得以蝕乎天理夫如是則庶無愧命名之意也若曰諱世以取寵竊美名以眩愚俗豈予所知哉予自布衣托交尊翁踰三十載于肅之請無所隱第未知果以為何如耶

思勉齋記

予邑入國朝以儒名家者曰則明張先生以易

經擢洪武庚戌進士歷官至臨江別駕以沒嗣子運生時僅髫髻克自樹立稍長力負養母暇則攻書績學成開門授徒為後進楷則運生之胤曰砥自能言即居侍旁濡染禮義之澤甫冠亦應鄉人請出訓蒙稚自以學之未底于成也扁藏脩之所曰思勉予記予惟天生烝民五性具備氣質之稟萬有不齊故大賢以下必待思而得勉而中也狀所謂思勉者豈有他哉擇善以致其知固執以力于行而已子思子慮學者因盡其要故于擇善則先教之以博學使周知事物之理次以審問

俾訂所學之疑復繼以慎思明辯則又欲其研精
所得以盡取舍之公由是固守而力行焉則可以
造明誠之域矣其言載諸方冊讀者率能知之况
砥承傳有素居則獲聞過庭之訓出則誨授聖賢
之言苟能卓然立志取聖往賢傳諸子百史日燭
溫而油澤之期至真知日踐而止他日出于用則
推是以行弗用則脩辭而貽于後則庶克盡思勉
之實而于世業有光焉勉之

景先堂記

河間吳橋貳令顏君克貞先師克國復聖公五十

八世孫清脩嗜學白首弗倦思欲紹德言衣。被
厥後乃闢齋廬儲經史日教諸子公餘亦克攬載
藉以裨政治黃門給事呂君文質偉其志為名其
扁曰景先且告之曰君家先師醇德明仁幾造聖
域天下後世式共景仰今欲纂緒餘垂休祉唯景
先德庶克臻茲克貞再拜祇受揭之楹間君復嘉
其志告于友人吳某求記其事某曰善如克貞之
植其志也善夫君之善其名也昔者孔門高弟不
為不多求其善學聖人者豈有過於復聖公者乎
觀其學已有得一則曰欲罷不能二則曰末由也

已其好學之心何如哉今克貞欲景先德其可已
於學乎夫天下生民所欲易已食飲以除飢渴則
已衣以蔽形則已宮室以禦暑寒風雨則已惟君
子之學則不然少而學壯而學：優而仕：優而
學何一息之可已哉克貞誠能勉：循：自強弗
已將見奉諸身施諸政與夫垂裕諸後者何古人
之弗若哉昔衛之武公年九十而好學弗倦况克
貞乎君曰子之言克貞之志也請書以貽之俾朝
夕得所觀警

共學堂記

海虞陳繼宗不遠數千里致書告予曰繼宗不天
先君子弃諸孤時繼宗與弟繼先甫髫髻母陸東
節守志外大父知福州府君諄：狀以讀書為訓
故克祖知問學今幸居安田里有井水以奉吾親
有敝廬以蔽風雨遺書滿架日與吾弟藏脩于中
因扁齋居曰共學敢求一言發其義予讀之為之
躍然曰偉哉繼宗之克嗜學也夫人生始孩自唯
諾以至語言自衣食以至拜跪進退未有不由學
以能者况聖人之道乎是故非讀書不足以為學
非躬行不足以言學欲讀書躬行而無同志以輔

之則孤陋寡聞信。狀無所得矣。今吾繼宗年富力強兄弟自相師友怡愉。誨貫資益其樂何如哉。雖狀學貴乎知要。堯舜孔孟吾學之準的也。六經四書吾學之尺寸也。異端六聖人之言吾學之蠱賊也。望準的以決通。向執尺寸以定短長。不使蠱賊得為吾學之害。繇是自微至著。從近及遠。始于愛親敬長。以為主本。相則推是以行。不用則立言足以垂後。如是于聖人之道。幾矣。夫豈世俗誇多闢靡。從事口身者可同日語哉。繼宗昆季誠能勉循。寔用其力。則必有以慰慈親之心。而

其所就又何遠而弗至哉。予昔獲与太守公同學。而今又有姻連之好。故不頌而規。以為進脩之助。

登瀛圖記

唐十八學士登瀛圖。烏基幕長馮遵道所藏畫。雖出今人手。狀實撫倣宋李伯時本也。伯時善繪事。白描猶精絕。是圖自房杜以下。衣冠服御。蕭洒出塵。鼓琴奕棋。揮寫。篆繪。各極意趣之妙。故後世寶之。愛之。而臨搦者多也。按唐武德四年。秦王世民開天策上將府。闢館宮。西延文學之士。以府屬杜如晦。記室房玄齡。虞世南。薛收。文學褚亮。姚思廉。

主簿李玄道參軍蔡允恭降元敬顏相時諮議典
載蘇勗從事中郎于志寧軍諮祭酒蘇世長倉曹
李守素助教陸德明孔穎達蓋文達戶曹許敬宗
並以奉官兼文學館學士分三番更日直宿秦王
朝謁之暇引見討論經籍夜分乃寐日給珍膳尊
禮優渥時人謂之登瀛洲竊嘗因是而思之願治
之主弗世出三代以降春秋戰國日以殺戮相尋
迨暴秦焚滅往術而儒者之學熄矣炎劉奮典除
挾書律黎民醇厚往術即義之尚垂四百載魏晉
分裂南北割據生民塗炭至陳隋又極矣晉陽啓

祚秦王以蓋世英才乎掃禍亂謂無謀謨之助不
可也暨後貞觀治平斗米三錢外戶不閉弘開三
百年之基業謂非討論之效可乎宜夫當時敬之
仰之而後世形諸图画也雖狀昔人有云善图画
者匪專術耀工巧率多有補世教若豳風孝經之
圖雖庸人孺子亦克識乎農事之艱孝行之儆是
則攬是卷者寧不矍然而有感歟也哉至若慚德
之多忠諛之糝先儒成說在于固不得勦說

中順王公壽藏記

中順大夫建寧府知府王公預為壽藏于新昌縣

某鄉某山之原吏部侍郎魏公驥嘗為作傳其辭
曰公名溥字處善其先齊人八世祖宋大理評事
某徙家新昌子孫定居焉七世祖炳任儒學教授
其弟燭度宗時拜平章軍國重事封信國公未幾
元入中國子孫隱居弗仕以儒鳴其鄉曾祖諱某
祖諱某考諱道清 國朝洪熙初以公貴贈奉議
大夫刑部廣東司郎中母某氏封宜人初奉議君
生五男子而公最幼甫成童遣入邑庠充弟子員
訓之曰吾家籍櫻世族宋亡降為編戶今際
聖明宜力學以亢吾宗公夙教戒勵志務學初寒

盛暑弗少懈學成以書經貢太學洪武中擢山西
行都司經歷夙勤在職名稱日著遷應天府江寧
令赤縣事繇迎刃而解滿考陞刑部郎中明慎用
法獄無留訟時初開漕運選材器優長者董其事
膺薦公替呂梁上下洪湍石峻險河流衝激公不
憚勞勸設法誦究糧艘商舶來往無虞秩滿總督
平江伯陳公上章保苗 朝廷以公久淹道途進
職中順大夫建寧府知府意祥愷悌屬官吏民愛
之如子行都司寓治郡一繩惟禮法以待識者謂
都司知郡府可重實自公始二親卒居喪盡禮兄

卒撫孤姪如子雅愛賓客且善知人驥與公生同
郡相知最深因為之傳今年秋予致仕歸家公奉
傳求誌某聞古人預為送終之器雖有歲制時制
之殊狀不以為諱也後之人貪生惡死始諱言之
今公年昉六十有八康寧好德遠為終制豈非所
謂達人火觀者乎庸備述魏公傳文以為是記若
後履歷尚當為火書不一書也

種德堂記

吉為江右大郡宋三百年英賢輩出治平中御史
中丞彭公季長一也初公兒時得金釵門外候失
者至而還之長登第丁內艱宴甚鄉黨饋贈一無
所受薦歷州縣勤恤民隱入拜侍御史力祛戚倖
雖斥外弗恤暨居墓端聲望益洽子衛弄官歸養
公高年致政而終元主中國楚產士多遭擯弄九
世孫貴德精書蔡氏傳弗遂融顯乃儲善藥惠濟
遠近扁堂顏曰種德子景忠孫林敏世載厥美
皇明制治林敏訓二子研精家學字長勗曰祖期
次昂曰祖望期望之意深矣永樂乙未祖期以書
經擢進士第 廷賜出身自陳願任教官得教學
以老村器特授建寧府儒學教授宣德初予官六

察出按江浙適鄉闈掄士聘祖期來典父衡士服
其公間陳家世源委求為堂記予諾而未暇為焉
正統更化予典苗基祖期拜監察御史巡董直隸
學校弗為利誘威屈予心益善之比謝事閒居祖
期復以堂記為請嗚呼蔡傳不云乎種猶布也德
者善之總稱善乃德之實行元之史臣既載中丞
履歷復蔽以仁厚廉恕一語是所謂善之實行敷
行後人者也中丞去今越四百載歷十有二世而
至祖期際茲昌辰復官風憲祖望六縣賢科伴讀
藩府詎非種德深而流澤遠乎世道日偷器子儉

孫弗念厥紹而珍世德者多矣予產者學殖日落
無以塞倦之請因述祖期先世之德與今日僅
繼之善以為之記彭氏子孫讀是記者誠能思紹
前聞弗以窮達為間績學而循理行善以懋德本
之以仁持之以廉行之以恕夙夜勉循有引
無替則匪獨克衍先澤抑亦弗愧典謨家傳之學
也堂凡若干楹在今吉安府永豐縣某里

鈍菴記

婁江龔大章氏授徒琴水之上一日謁予請曰某
不敏竊有志問學當扁讀書之所曰鈍願求記之

庶得揭其義以自警予以固陋辭越二年予歸自金陵大章屢以為請予不得辭乃為之言曰鈍之義何居凡物之鈍者不銳矣孟子云其進銳者其退速予嘗觀夫朝氣之氣彌茫宇宙凌薄光景非不勃狀銳也然未崇朝則消液漸盡人于學亦狀當年少氣銳無不欲貫通經史超軼古今未幾鹵莽厭煩向所謂銳狀者鮮不顛冥汨沒而無以自持矣姑舉其要言之六經孔孟之文義理無窮近之吾身遠之萬物大而天地陰陽之理微而名器制度之用靡所不載豈銳狀之氣可能盡哉故聖

人之教不厭不倦循有序無好徑欲速而人得有所成就秦漢以降道學吾塞迨宋濂洛諸儒出斯道復明考亭朱子真知寔踐集厥大成其論為學則曰莫先讀書論讀書則曰莫貴循序致精至語其為警之要則又曰從容禮法沈潛仁義循序也致精也從容也沈潛也不幾于鈍歟大章以是名讀書之所其亦有得朱子之意乎朱子之書衣被海內苟能探討服行真積力久則豁然自得之妙有非世俗口耳之學所能髣髴其萬一又烏有孟子所謂進銳退速之患哉予也學殖荒落志存

而力不逮視火章年富績學豈無有感于中和故
誦所聞以復倘有取焉則書以記是菴之壁

晚翠軒記

浙右諸郡疆理鄰接而山水之勝則在姑蘇：
衆邑封畛眇亘而山水之勝則在海虞蓋虞山踞
邑城西窮崖邃谷平地拔起而昆湖之水汪洋漭
漭以匯于其下故傍湖之地尤得山水之奇觀焉
邑人蔡某築室其上環以脩竹幽深邃岳風晨月
夕獻奇呈秀于几席之間者鬱然蒼然歷歲寒而
弗變因扁其室曰晚翠謁予請文為記予惟植物

在天壤間萬有不齊春日載陽開妍競艷嬌紅嫩
綠芳菲猗旒以取媚于一時者固足起人之愛狀
踰旬浹則飄零委弃于泥塗糞壤之間者皆是也
惟竹則不秋中虛外直弗蔓弗枝雖雪虐風饕而
淵然之光蒼然之色未嘗少改故惟君子似之而
能好之也今某植竹以蔭之居室又能以晚翠為
扁其視世之溺志草木之妖者有間矣誠能因物
以驗乎人即小以擴其大監觀物理以察夫哀榮
消息之故以植夫德以樹其善將見昔人所謂鬱
鬱含晚翠者不在乎物而在夫人矣

積善堂記

海虞徐敏孫氏構堂數楹題其扁曰積善不遠千里以記見屬茲歲予將何以復吾敏孫哉憶昔讀書田里獲交敏孫先君子孟明先生孟明溫厚儒雅間與予言家世以善積于鄉元季弗請祖居若廳若堂若門廡之屬悉毀于兵燹迨

天朝底定九有始克就遺址誅茅傳屋脩敷舊疆畎稼穡之事弗敢萌一毫非善念予因是知孟明克以善裨身裕後如此豈予行後南北孟明考終于家今敏孫肖堂肯構思繩祖武予寧無一言復

之哉易曰積善之家必有余慶嘗因是推之天地之化往過來續消息盈虛未有不由積漸以成者矧夫人靈萬彙降衷之善即造化生物之心其孰不欲積善慶于後哉伏為善如登一或弗戒則欲動情勝而不知善之積矣惟其不知善之積也故念慮之間事為之際惟知積金玉為富積輿馬為榮矜黛積以媚其目肥甘積以悅其口甚則孜孜圖厚其積以為子孫之計殊不知日流于惡凡裨身裕後者率皆不歸之歸耳今吾敏孫克篤先志揭扁于堂非獨以善自警且將傳示子孫敏

拜其可謂賢乎哉予知徐氏積善之澤未艾也傳
曰勿以善小不為勿以惡小為之敏拜其尚勉為
往曰子孫勿替引之予於徐氏後人其有望

雪菴記

隆陽龍容扁所居之室曰雪菴屬予友大理寺正
伊嵩巖子徵予記久之未有以復也一日介巖子
躋寓舍以請予應之曰天壤之間陰凝之氣寒而
為雪庸是為名其義何居豈希杜門僵卧于白屋
欽抑慕淺斟低唱于錦帳欽欲學披羅氅之餘步
欽將效詠柳絮之才羨欽伊嵩子啞狀笑曰君何

索之過和夫僵卧固足以致邑令之辟容家數溫
裕寧為是邪彼簾豪誠足以誇舊姓之口容世守
儉約宜為此邪至若被氅衣自護神仙中人則流
于荒唐而柳絮因風之句亦兒女子家語又曷
足為人道和容家尚稼穡力本自盡當嘉平月滌
場既畢官賦足輸稻梁并黍充滿倉庾于時上天
同雲雨雪其紛亂飄沍積盈溢郊野寒光皦采遠
近一色于是烹肥釀醪家釀以奉之親以洽宗戚
故舊相與賀臘前之三白慶嗣歲之有年酒酣耳
熱歌聲鳴自謂天壤之間未有過此樂者庸是

為扁君何索之過和予聞之曰敦本就實固為可
尚我猶有進焉昔傳曰富而教客家子姪森列誠
能教以隆師取友以力于學他日豈無如昔人映
夜聽立師門者出以充厥宗乎夫如是則庶稱名
菴之實而予之為記不虛也容起而拜且謝曰命
之矣是為之記

柏湖八景記

予杜門養疾邑貳令陳君持卷求記柏湖八景曰
雷火父某元季卜築洪崖山麓黃柏湖上或登高
或靜處川容壑態逸容清響琴集身目間心甚樂

之因名曰龍岡庠歌鳳沼魚游樞山夜雨松蘿晴
嵐吳灣牧笛京谷樵歌連雲暮鼓毘盧晨鐘一時
名士記詠盈軸未幾兵燹已失火父洎父乃命某
丐言鴻碩以教著先德幸新記之予聞宋元符末
李伯時倣王维輞川墅構桐城龍眠山莊有雲蘿
館迎華洞栖雲壑雨華岩垂雲泝之屬坡谷諸公
多為題詠故景物之名迄今弗泯予年垂八十筆
硯久絕感貳令請之勤故為粗書八景之名于
卷端貳令誠欲發先世幽潛尚求今之蘇黃火老

克己齋記

予退朝之暇中書金汝礪請曰里生某有志問
學嘗扁舟居曰克己以寓其志或謂克復在聖門
唯顏氏子得聞而行之士生于載下無聖人依歸
碩欲別是自名不幾蹀安陵躡和幸釋其義予應
之曰先儒不云乎學顏子之所學某之志殆未為
過邪雖狀其義則難言也夫克己者求仁之要顏
子以剛健明睿之資聖師先教以博文使知古今
達事變後教以約禮使尊所聞行所知在後復聞
四勿之訓即能心解力行以造不違仁之域當時
七十子未聞或之先也聖賢既遠道學失傳擇闔

于戰國黃老于漢佛于晉宋齊梁之間自時厥後
異端俗學日新月益所謂克己者匪惟鮮能行亦
鮮能知也迨宋河南程先生出得不傳之學于遺
往乃述四箴以暢四勿之旨考亭夫子繇之以集
大成後生小子遂克究其義于方冊問亦云幸矣
狀寥寥數百年真知實踐者幾何人斯是則或者
之言殆未過也昔者竊聞之考亭答杜莘高之問
有曰克己固為學急務狀須從事讀書窮理了
分明方見得視聽言動何者合禮何者非禮非則
便加克治不但資言說而止也某誠能三復斯言

實用其力人言奚卹哉汝礪作而謝曰是足以復
之矣遂書為克己齋釋

思菴先生文集卷之五

思菴先生文集卷之六

常縣縣重建城隍廟記

昔在

太祖高皇帝恭膺 天命作四海神人之主爰念
元季綱淪法斁祀典潰揉不經馴致禍災荐起民
墜塗炭屢屢勤 睿思建立制度正名定分為萬
世成憲若郡邑城隍廟亦其一也初洪武元年戊
申 詔封天下城隍神在應天府者以帝在開封
臨濠太平府和除二州者以王在凡府州縣者以



公以侯以伯時常款循元制為州得封城隍神曰
鑒察司民城隍靈佑侯二年己酉州改為縣三年
庚戌 詔定嶽鎮海濱俱依山水岑稱城隍神彌
一體改正仍頒格式蓋造廟宇屏去間雜及泥塑
神像于是蓋題木主曰常款縣城隍之神知縣田
義以舊廟在縣西十步者基地湫隘改造於西隅
衣繡坊北即今廟是也四年辛亥 特敕郡邑里
社各設無祀鬼神壇以城隍神主祭鑒察官吏人
民善惡以貽福禍未幾復降儀注新官赴任必先
謁廟與神立誓期在陰陽表裏 安下民祝詞儀

注出自 宸衷 聖謨洋：發明福善禍淫之機

以警飭下臣至矣狀吾邑建廟垂七十餘載朽蠹
剝落日就頽圯今知縣李郭南深懼無以揭虔妥
靈躬捐俸貲以為眾倡僚屬吏民相與協助乃市
材僦工經始于正統庚申十月落成于次年二月
堂寢門廡宏壯軒豁視昔有加適予致政歸老者
民時瑾龔鼎等相率謁文垂示永久予惟明有禮
樂幽有鬼神古昔聖帝明王罔不以事神治民為
先務城隍之祀經典弗載蓋後人因其保障民生
以義而起也迨宋姚鉉編唐文粹始載乾元中李

陽冰縉雲城隍祠記狀無所謂封爵配佐也及元
草廬先生吳澂記江州城隍廟後殿則曰江右列
郡以漢潁陰侯灌嬰配食豈侯嘗定豫章諸郡而
狀歎自後縣襲日甚 聖明統御窮神知化始遂
更正歷歲云久或罔克遵今吾邑得賢侯屏除土
偶鼎建祠宇將見神罔怨恫物無疵癘邑人之幸
豈淺哉予羣眊筆硯久絕茲今弗拒衆請者蓋
欲昭揭 聖制以示後人俾勿至于違墜也詩曰
不愆不忘率由舊章後之作邑君子暨鄉邦友士
尚鑒茲哉

懷忠錄序

宋岳鄂武穆王者建紹中興之名將也王忠烈勇
智為當時第一憤靖康夷狄猾夏之禍志欲殄滅
以雪其恥惜乎虜未滅而死權姦之手夷狄益橫
不可復制陵夷百年胡元遂滅宋而王中國為開
闢以來非常之火變於是王之恥竟莫之雪也
天祚明德我

太祖高皇帝奮典淮右汛掃寰宇以奠安生民腥
膻之羣率相夷滅其幸存者莫不震疊奔竄窮漠
之北于是中國禮樂得復先王之舊而王之恥雪

矣洪武初 詔建歷代帝王廟于京師趙宋得祀
者藝祖一帝而王獲與從享之列未幾又 敕抗
之守臣立王廟歲時致祭于是王之忠烈益得暴
白于天下矣初王之墓側有寺曰褒忠歲久既廢
而廟亦頽圯今年予出按江浙爰命郡邑遵奉
詔條葺修其廟寺僧手奉一帙迺錄宋史列傳
暨大夫士悼王之作也因為題曰褒忠錄復叙其
端以貽之蓋非惟欲世之人知王之忠烈得白于
今日實欲俾天下後世知我
太祖掃蕩夷狄之功于無窮也王之忠烈勇智具

載史傳茲弗贅

上丁紀事詩序

昔我

太祖高皇帝恭膺 天命崇尚儒術以化成天下
乙巳秋 詔即應天府學為國子學設博士助教
正錄等員丁未陞秩四品始設祭酒司業典簿洪
武建元之二年己酉正月 詔諭省臣春秋二丁
降香曲阜致祭京師天下不必通祀遂遣通贊舍
人張漢英捧 御製祭文及銀十兩往曲阜買牛
酒以祭是冬定格式令天下立學辛酉夏建太學

雞鳴山陽自孔子而下像不土繪皆以神主夷習
遂革明年廟學成遣官祀以太牢越數日

上躬臨廟再拜酌獻退詣于學祭酒吳顯誨經畢
車駕乃還是歲六月始 詔行釋奠禮復頒禮制

凡祭祀文職長官一員三獻武官不與太學丁祭
則傳 制遣官洪熙改元降 旨北京傳命南京

國子監官行三獻禮正統元年二月上丁祭

敬宗齋沐之暇賦詩數章以紀其事監丞諸質取
鉞于梓 惟孔子之道師表萬世秋兩漢唯行

幸過魯致祠林廟頭相更老辟雍並祀周孔牲唯

用火自後宣父周公迭為先聖顏回孔子互作先

師至唐太宗高宗兩朝房玄齡暨長孫无忌兩次

建議始克專祠孔子以顏回配秋釋奠之儀未備

玄宗因命京師得用牲牢郡縣酒脯而已宋自藝

祖而後亦唯視學及過魯躬設奠獻孝宗時朱熹

守南康建言按祠合釋奠文宣王以充鄰二國公

配享共用羊一豕一今從祀百餘無緣徧及時莫

能改元氏國初用賜紫知觀李志元住持夫子廟

仁宗皇慶後文治日興京國釋奠共用牛一羊一

豕五制幣惟宣聖一配位二而已若郡邑祭禮則

無定制也我國家撫定海宇之初兵戈未盡戢
因暫停釋奠十餘年後國阜民洽禮備樂和乃舉
行丁祭太學則宣聖獨祀牛羊豕太牢顏曾思孟
六各專祠羊豕少牢正配制幣各一十哲東西各
五壇用豕二兩廡各十三壇六用豕二俱各有幣
郡縣則共用羊二豕六正配十哲兩廡亦各有幣
牲帛籩豆簋簠爵隆殺有等猗歟盛哉某憶正
統初承乏都院祭酒嘗錄記事詩見眎政叢才劣
弗克酬答今年踰八十杜門待盡又辱減寄詩冊
屬為序引因力疾改譯舊聞備書于冊庶覽者知

吾 聖朝致隆 聖師垂裕萬世匪漢唐近代所
能及也若見前序者不勒說云

常縣縣新建尊經閣記

常縣為吳國子游言公闕里公此學聖門身通受
業因文學得聖人一體以化洙泗以南樸鄙不文
之習澤及後人深矣癸亥歲五月朔某抱病家居
教諭浚儀趙永言奉書來謁曰常縣縣學首創于
宋之至和重建于端平之初左廟右學大成殿後
有言公祠右有明倫堂元年丙辰永言承乏是
學知縣上虞郭南縣丞分宜李子廉撤堂新之越

三載知縣郭南又撤兩廡改為重屋并市學東民
地重建射圃以便諸生習射辛酉冬縣丞新建陳
澄掌邑事承言曰郡庠舊有六任閣吳庠近建藏
書樓本學曩承

太祖高皇帝頒降大明律等書暨

太宗文皇帝五經四書大全等籍俱置廡下地土
卑濕塵雨蒸氾倘得樓閣以藏庶盡其宜貳令聞
而善之廡撤堂後寢屋捐俸為倡復勸邑人欣助
錢米鳩匠市材建閣五間二夾室名曰尊經之閣
時縣令郭南公出而歸因出俸米完其未備經始

壬戌季秋既望落成嘉平之月哉生明之日敢求
一言垂示不朽狀永言讀諸碑誌心竊有疑宋寧
宗慶元己未徽國朱子為知縣事孫應時記言公
祠後三十八載理宗端平丙申魏文靖公了翁為
邑令王燭作新建學宮記悵然表章朱子記文
之說至篇終引禮書云時人以典禮質問者十有
四皆以游一言為可否三代典章之遺賴之有以
存焉此朱子未言者若記中所謂南方之學得其
精華及一洒愉懦無廉恥嗜飲食之談此二事又
靖公未嘗發明幸併明釋以告後學於戲某登遊

邑庠觀明倫堂扁左刻新安朱熹書右刻稽陰王
燦立稍長讀丹陽公祠堂記竊有得其一二焉按
隋書儒林傳序云南北所為章句南人約簡得其
精華故朱子記稱子游簡易疎通高暢宏達意必
敏于聞道豈所謂得其精華者自古而然即又按
荀况非十二子篇云媮懦憚事無廉恥嗜飲食是
子游氏之儒朱子於是引而不辨夫子游聖門高
弟論子夏弟子之學知大學之本始武成知禮樂
之道豈有荀况所談者乎荀云子游幾二百載其
時弟子鄉人或徂於習俗遂乃談及子游故朱子

託云願諸生勉進所謂本所謂道使此邑之人百
世之下復有如公者出一洒媮懦憚事無廉恥嗜
飲食之談期望後學至深切矣洪惟 聖朝

太祖高皇帝誕膺 天命以儒術化成天下即位
之初 詔天下立學選儒師訓迪子弟厥後設科
取士以四書五經為主本其四書集注詩集傳周
易奉義書訂定蔡氏傳率皆朱子之說迨

太宗文皇帝命儒臣纂輯大全凡悖朱子者弗錄
今作閣記舍朱子之言何以為言哉朱子嘗有言
曰道在天下原于天命之性行于君臣父子兄弟

夫婦朋友之間其文出聖人之手存於易書詩禮
春秋孔孟之籍至後世國家行事之迹又皆有史
臣之記凡天地陰陽事物之理脩齊治平之道禮
樂選舉食貨兵刑之制靡不備著于中昔之為師
者以是為教學之者以是為學今學者類多記誦
剽竊內以傲其父兄外以驕其閭里終身不知自
勉而卒就小人之歸豈專在學者之罪亦典教
者不知為教之道也於戲朱子集周程張邵之成
以續孔孟之統當時廼有記誦剽竊之弊蓋朱子
之學雖不能行之于一時而寔大行于今日則今

之為師為弟子者其可不以朱子之言為法為戒
以無負 國家建學毓賢之意乎昔者張伯玉記
吾郡六經閣曰諸子百家皆在而不書尊經也夫
尊者恭敬奉持之謂豈徒尊閣奉安而已抑又惟
吾邑山水明秀登閣則一覽在目竊慮昧者因思
天朝祖宗頒降經書在上或設讌閣之上下或酣
醬之餘追逐笑嬉非惟隨手相鼠無禮之惡而真
陷乎嗜飲食無廉恥之賤矣愚也年登八十筆硯
久廢故是閣之記五年之間屢辭邑官之請今則
弗克終辭者蓋欲因是盡悃悃以告鄉邑後進俾

勿悖先聖賢之訓也若夫本武城弦歌之以推廣
道學愛人之心此邑之令佐所當自勉以求無忝
其職者秋亦耆老之深望云

有恒堂記

粵昔永樂初訥祇命訓文臣子弟于禮部貳
卿高岳儀公以德學輔導

景陵子孫宮休沐之暇迎予至其有恒齋指齋扁
曰制自束髮讀書既登仕版以逮于今茲一惟有
恒是式蓋人一心全具天理惟有恒者不二其心
故天理流行日用之間凡忠君孝親善兄弟夫婦

朋友以及應接事物何莫非天理所推乎今吾年
老者艾諸兒悉令歸耕惟季子銘苗侍茲幸親覲
席望以是訓勉之銘字子新少予僅十歲嗜學因
怠未幾予以病免歸子新依不忍為別洪熙更
化予承乏六察子新洽事黃門特詔贈公

太子少師謚文簡予與子新胥晤未嘗不以公言
為勉也後予陞典苗基子新晉職翰林

上在御之五年也已未歲予以老疾詣闕懇求納
祿得請致仕子新謁予寓廨曰先生榮還有恒之
義望筆授之俾得朝夕視惕匪銘一已之幸亦後

人之幸也予聞語之曰子之先公之言至矣雖秋
晦養朱先生又有云恒者常久之意必守貞而後
得所常久之道三復斯言則書所謂世萬忠貞詩
所謂勿替引之子新與後人所當競。加勉者焉
夫如是則庶克綿先公之澤而報
列聖鴻恩于無窮也子新作而請曰幸書以授於
是乎書

克一齋記

判院蔣先生胤子主善夙佩庭訓有志聖賢之學
取高書克一之語揭名齋居鴻儒碩彥敷教徑旨

甚悉主善間屬予記曰使其得益究厥蘊噫克一
之義大矣一者統宗會元之要即吾心所具之一
理該括萬善堯舜禹允執其中傳此一理也商湯
周武建中建極明此一理也吾夫子一貫為教顏
氏子博父約禮為學大學之止至善中庸之行之
者一孟子之反說約又豈異乎阿衡克一之理哉
聖賢既沒火于秦佛老于漢異端俗說眩瞶是非
顛倒名實乃以儒者之學為博而寡要勞而少功
吁一理在人心者不熒于熄乎濂溪周元公奮乎
百世之下仰太極圖闡萬世一原之秘橫渠先生

述西銘子程子蔽之為理一分殊考亭朱子真知
實踐集厥大成其言曰道之用者一舉萬殊道之
侔者萬殊一舉一即此心之一理盡貫一理九舉
蔡氏本師說以釋經一洒其故主善幸生理學大
著之時宜乎有志于克一之學矣雖欲克乎一
當盡乎博一善或遺則一德虧無以純夫全體之
一必也主敬以立乎本即事即物以窮其理以萬
其行一旦會通貫澈始能造乎克一之妙主善年
富力強足以積學有待予也亦嘗有志于學自強
不力年踰知命語窮理則未至也語萬行則未能

也又烏能知克一之蘊而言之哉姑誦所聞以復
主善幸以是質諸先生必有以教予耶

務本堂記

淮南蔣主孝故恭靖公之持子今判院主善之仲
弟也主孝名藏修室曰務本問記于予：聞務本
專用乎力之謂而本則猶根也魯論首篇闡釋明
倫主孝昆季誦之已久今茲不遠千里來問者豈
以差老曾窮理學而竊先公之論議乎公四子主
善主敬主孝主忠公以一身教不屑詞章言語
之末予嘗記主善克一也以為欲克乎一當盡乎

博一善或遺則一德有虧無以純乎全体之一所
謂全体者會元統宗之要豈出孝弟之外哉迨送
主敬南還予復以流俗竭蹶務末而天倫間龍以
智力願昆季慎終若始公沒又為主忠撰慎終記
述公之德之學其凡裊身制行率以慎為主奉故
居而事親則力負奉養出而事君則罄竭忠蓋暨
夫撫幼弟字孤姪待宗族處閭門何莫不奉乎孝
弟之推乎是以訃音上達 特賜贈謚昭慶所及
克昌厥家今予年開九袞華視久絕思為主孝作
記亦詎能異前之所云者乎主孝于此能深念而

力勉則所謂務本之道又奚假他求而後盡焉抑
又思昔者製公像贊奉天定勝人之說以贊公之
種德食報蓋天人之際雖及復變亂之極必有一
定之理存乎其間若昔公之居職敬謹今而主善
又克謙卑自牧視一時驕侈而糜滅者何如哉斯
實推以孝弟之徵應也雖狀貴不期驕富不期侈
賢昆季幸率諸子姪繼緬先德于無止

作記後憶得堂求東里先生序送主孝南還序
中載四昆季奉親之孝終曰父之執毓德屬予
言予亦父執也故推所存而遠大望之夫遠大

者非孝弟乎至謂予為父執予與主善雖合記
祀年長以信之說狀豈敢當哉主孝弟取全序
觀之可見先生當日教誨之盛心也

林塘書屋記

吳淞之南有曰漢城里元季東郊蔡君卜居其地
一時交游若大雅孫公輩至今譚道者弗絕君既
即世胤子祖承家學尤邃于醫被薦家南京館生
某以英妙之資著于鄉今年至金臺手林塘書屋
卷謁予求記予惟人之有生有田以耕有宅以居
有衣食以供仰事俯育之奉者固世恒情狀不能

皆得也至于營園林鑿池塘坐茂樹濯清泉以自
潔者尤不可得也藉或得焉率制于世故弗克安
其所得者有矣想夫某之書屋也蔭以竹樹環以
泉流窅然而深者鱗潛蔚然而茂者羽翥朝陽夕
月水光林容獻奇呈秀于硯屏之間由是沈潛乎
經傳涉獵乎子史明憲淨几焚香兀坐其樂何如
也雖秋天壤間得是樂者固鮮狀得而弗克自保
者有焉是故安居田里者不自知為樂惟跋道塗
涉風波野飲水宿者知慕其樂也某之歸也固而
藩籬完而廬舍朝出耕夜歸讀古人書固志安分

吸井飲水以怡八十之親以守先世之業則所謂
林塘之樂必克保而有焉終世故之微曷足累
其樂也耶

常毅縣重建惠民藥局記

正統六年歲在辛酉常毅重建惠民藥局既成醫
學訓科郝鼎志洎邑世醫匡愚謁予請曰本邑藥
局舊在縣治東偏歲久頽圯基地復為旌善亭所
侵遂僦房以處有年矣途因臣僚奏請申明製藥
惠民知縣郭南深懼無以祇順德意爰詢耆老
舊城隍廟基于縣治之西乃捐俸貲以為眾倡僚

察吏民協勤欣相於是鳩匠掄材經始于去冬十
月畢工于今年二月門術顯巖堂廡闕敞凡儲藥
脩合之具靡不致備切慮後人因知所自敢丐一
言垂示永久予以衰病固辭而來請益勤乃為記
曰醫藥之道肇自炎黃至成周而制乃備稽諸周
禮天官之屬曰醫師者掌醫政令而使醫分治之
疾醫則掌眾疾而以五味五穀五藥養其病五氣
五聲五色眡其死生又復兩以九竅之變參以九
藏之動脈以驗之瘍醫則掌腫瘍潰瘍金瘍折瘍
之祝藥副殺而攻以五毒養以五穀療以五藥節

以五味歲終各稽其事而進退焉後代建官制局
實本諸此我

太祖高皇帝繼天出治洪武初即 詔郡邑建藥
局設內外科醫士各一人專製藥餌以惠貧病軍
民弗責其直厥後又置醫學官以董訓之
列聖相承紹隆惟謹我

聖皇嗣火歷服凡養民之政一惟成憲是式 德
至渥也常敷為東南火邑生齒既衆習尚不同宋
端平初王相國晦伯莖仕斯邑 政既隋復憫愚
氓弗尚醫藥而多惑妖妄廸檢壇廟之戾法淫巫

之惑衆者一切更新而屏斥之自是人知務義而
無天闕之患今南之治斯邑政孚人和庶務畢舉
茲復鼎建是局俾醫流得以製藥惠給予知邑里
細民繇是而知務民之義也必矣鼎志其尚董率
醫屬祇勤職業以無負 國家建局惠民之意若
夫嗣而首之使弗墮弗壞則在後之君子

宴集圖序

者在永樂初

太宗文皇帝正位 宸極首下賓興之詔越二年
甲申 廷試得進士四百七十名廸其尤者自狀

元會祭而下凡二十九人俾績學中祕獎待期勉
倫極其至若毘陵段民亦其一也迄今二十有九
年矣所謂二十九人者升沈存沒蓋非一途民繇
是命善澮者固寫昔日宴集之趣庶幾朝夕觀覽
以無忘 恩遇于無窮也間屬予序予竊惟進士
設科歷代相循久矣我

太祖高皇帝受 天明命統御萬國洪武庚戌秋
即 詔興科舉以取天下士又明年壬子遂簡拔
會試之士得王璉等十有八人超授編脩等職俾
入文華堂肄業命翰林老臣宋濂等為之師 車

駕時臨取其所為文評品優劣日給光祿餼羞酒
漿冬夏錫以衣服復賜白金鞍馬以寵嘉之其榮
勵涵育之 恩為何如哉自是厥後三十餘載進
士之科得賢最多凡所以黼黻大猷贊襄至治以
開億萬年太平之丕緒者端有自也肆惟

太宗皇帝以聖文神武之德恪遵成憲二十餘年
敷求賢哲以遺 聖子 神孫之用若卷中諸君
子或以文學稱或以政事著者皆其人也嗚呼盛
哉棧樸之詩曰先王壽考遐不作人
聖明造就之德至矣烝民之詩曰夙夜匪懈以事

一人諸君子可不益堅晚節以圖補報于今日也
哉若夫履歷之詳與常日恩榮宴集之勝見于羣
公跋語者茲不復云

柏基十詠序

柏基十詠者詠柏基十景之詩也其曰柏基者何
漢世以御史所治曰基班史謂中列柏樹人因稱
為柏基也今基既為院矣而襲其稱何猶文章家
稱禮部為南宮名稱或殊而職任則一也曷為職
任則一蓋自漢至今基院之官職在摠憲度持風
紀弼違繩慝無不同也曰十詠者何也曩予承乏

掌院事時

車駕在北京尚務清簡乃與同官萬安朱與言議
命隸卒畚除堂後朽壤蠲其榛穢疏其溝瀆因舊
土築平為基樹柏其上復結小竹屋為公退游息
之所工甫就適冬官貳卿周公恂如國子大司成
陳公光世至顧而喜曰昔之蔽者開矣歲者清矣
君子為以氣煩則慮亂視靡則志滯故有遊息高
明之具是宜播諸聲詩乃登基四望列名十景未
幾各惠以佳什予亦勉成十律每題復為小序以
記其實大夫士聞之形諸篇詠者將續而至朱君

乃裛翰成卷屬為序引嗚呼柏基諸景蓋所以為
高明退息之助居于是者朝夕勉脩職業以圖報
稱豈務觀遊也哉讀集中之詩則有以見神京山
川之勝與今日苗務之清簡者云

鍾山蒼翠

鍾山一名蔣山周圍六十里高一百六十
丈秦始皇嘗埋金山下孫吳東晉暨宋齊
梁陳南唐率以偏據立國迨至
皇明定鼎混一海宇乃辨方正位營造宮
闕于山之陽實萬世根本之地洪武十四

年四月 詔立法司于山後中刑部右都
察院左五軍斷事官一曰稽仁二曰稽義
三曰稽禮四曰稽智五曰稽信又有大理
寺審刑司在其東公署凡所翬飛鱗比類
天文貫索九宿故摠名曰貫城常 賜敕
以諭刑官有曰聲法司於玄武之左鍾山
之陰其所名者貫城貫者且法天之貫索
也又曰今法司已法天道爾諸職事各司
其事還者以身心法天道而行之即若如
天之所以獄清而無事心靜而神安以玄

武之澄波印鍾山之蒼翠雖飛菓顛而走
窩下亦莫潛釐毫洞見其真智人居是寧
不開懷抱而長歎終日引觴侶酌以快今
生庶不負朕摩法司之初志也厥后草去
五軍斷事及審刑司所存者刑部都察院
大理寺今謂三法司云

鍾山蒼翠鎮神京山後栽三列貫城雲樹陰連烏
府近崑泉流接陳湖平霜堤款段迎朝旭雨徑肩
輿趁晚晴白首基端叨祿久移文深愧草堂英周顯
草堂基在
山下路旁

玄武澄波

玄武湖亦名苻陵湖秣陵湖又名北湖後
湖練湖周回四十里在鍾山之陰劉宋元
嘉中立三神山於內 國朝都城正北之
門曰太平雄峙其上中築長堤為往來道
徑揭表於上題曰太平堤云

玄武澄波近 帝都汪洋環遶北城隅小山森立
同三島一徑中通似兩湖魚泳波深長共樂鳥飛
煙外自相呼晚來堤上停鑪久雲影天光勝畫圖

虬枝古柏

後堂之背有土阜逼近堂簷歲久頽圯况
復榛莽蔽塞風日不通茲逢景命維新刑
清訟簡乃命隸卒畚土離堂數尺凡諸第
歲悉皆雜剪以存老柏五株駢立其上因
購柏數十季列植其旁庶幾漢人所謂柏
基云

澄清堂後柏為基剪蕝除荒景色開小樹近從今
日種五株還自昔年栽亭老榦風霜飽鬱新
梢雨露培更有檜屏尤挺特歲寒相与絕纖埃
錦紋奇石

或云棘寺廨舍有怪石奇置海中因復昇
置基端高四尺許兩峰卓立一竅中通錦
紋斑斕且瘦且漏誠太湖之佳品天壤間
之奇物也於是見者莫不嘆賞而幸其遭
遇云

草沒苔侵幾歲寒年來移得在基端兩峰角立錦
紋皴一竅旁通玉竇寬不用品題標甲乙何須謁
拜具衣冠公餘坐對心無事欲鎮清基久遠看

竹屋清風

基上隙地方僅丈餘因縛三架小屋高九

尺深廣如之剝竹以覆不用陶瓦四面不
施窗戶取其虛明不加梁棟添飾取其朴
素一二僚友公餘可以宴坐價廉工省易
於脩葺云

竹樓憶昔在黃州此日霜基屋更幽四面涼風清
客思半空情景豁吟眸西看玄武波光淨東望鍾
山瑞氣浮最喜價廉工又省他時無惜為頻脩

檜屏晚翠

檜松身柏葉枝長而軟凌寒後凋清秀可
愛而賄五株列峙基北甫三日蔚然長茂

因命工结成檜屏高丈有一脩四仞有奇
用以障蔽基後坡仙云侔備松柏姿氣含
芝朮藁初扶霍骨立末出龍纏筋覩此尤

信

古檜輪囷長萬枝结成屏障最相宜葉同老柏枝
偏軟身似喬松節更奇香氣日烘浮竹屋清陰月
轉落盆池天秋標格人爭羨癡得新詩四遠知

叢菊耐霜

菊以黃為正月令云菊有黃華是也基畔
列峙數十叢絲枝茁茁任其生長且無別

色間雜惟火金黃小金黃二色而已安陽
韓忠獻公任翰林日有詩云莫嫌老圃秋
容淡且看黃花晚節香識者亦有取其云
秋花繁石基前出蕊叢枝任自然一色金黃無
雜品滿林霜白有餘妍寒香晚節安陽白籬下南
山清節篇公退哦詩懷往哲不勝清思到吟邊

三梅傲雪

梅以白為正江南復有紅梅花絲如杏而
香亦似之梅聖俞云認桃無綠葉辨杏有
青枝是也又有一種蠟梅范至能謂岑非

梅類以其香相近色似蜜脾故謂之蠟梅
院中偶有三本因移植基畔以助歲寒清
趣云

移得三梅次第栽丹唇紅臉映金腮老根盡得先
春暖冷艷還同傲雪開不逐征塵隨驛使官依流
水在天台森然競秀清基表占盡芳園衆奇魁

崑桂幽香

基高五尺前甃以雜磚上壓頑石彷彿類
崑壑之下前面隙地植丹桂數株秋高氣
甫金粟盈三芳香可愛且綠葉扶疎四時

不改歲寒之際尤可見凌寒之操云
丹桂分來自廣寒靈根尤喜近基端瓊枝吐秀風
初冷金粟含芬露未乾清氣入簾香馥：晴陰當
戶影團：最憐勁節同松柏綠葉猶宜歲晚看

池荷遠馥

基門之南傍玄武湖舊以石為岸迺歲邊
湖漸長沙洲近岸遂成池塘因賸藕秧時
其中亭：淨植不蔓不枝香遠益清可玩
可愛濂谿夫子謂花之君子詎不信然
基門南下有蓮池：上花香分外奇清入高堂新

雨後遠隨歸騎晚涼時亭：不受汙泥染濯：能
容畏日欺一自濂翁歸去後至今真趣幾人知

思菴先生文粹卷之六

圖書



55
56
57

58

